

陶文毅公全集

陶文毅公全集卷六十四目錄

詩集 賦得體詩

八月湖水平

得觀字
庚申鄉試

山輝川媚

得藏字
壬戌會試

飛泉漱鳴玉

得鳴字
保和殿覆試

天降時雨

得川字
保和殿朝考

長松吟風晚雨細

得翁字
乙丑散館

誠存爲物祈

得誠字
庚午考試差

金人示戒

得言字
癸酉考試差

靈液播雲

得雲字
己卯考試差

金花帖

得花字

導德齊禮

得齊字

繞屋樹扶疏

得陶字

接葉暗巢鶯

得巢字

山意衝寒欲放梅

得衝字

恍惚中有象

得中字

心歌腹詠

得歌字

龍見鳥瀾

得文字

杼軸子懷

得文字

烹葵燒筍餉春耕

得耕字

春江水暖鳴先知 得先字

綠竹夾清水 得江字

琴上薰風入禁松 得松字

恩風長扇 得恩字

夏雨兩人 得人字

浮涼帶雨來 得涼字

舉實爲秋 得秋字

竹柏得其真 得真字

天河洗甲 得秋字

其二

六鼇海上駕山來

得燈字

一日看徧長安花

得花字

迎梅雨

得迎字

送梅雨

得行字

稻孫

得孫字

息饗報嘉歲

得田字

黃綿襖

得黃字

砥厲廉隅

得隅字

其二

得磨字

其三

其四

其五

其六

其七

七舉時節

得時字

豐年爲瑞

得豐字

水澤腹堅

得堅字

夏雲多奇峰

得峰字

火養母

得通字

一月得四十五日

得工字

望雲思雪意

得雲字

園有見杏

得青字

德化冠冕

得冠字

萬機簡心

得心字

悅在施有

得施字

禮交樂舉

得交字

隆物示民

得隆字

憲平人富

得調字

執冲含和

得和字

六通四辟

得通字

其二

登春臺 得登字

其二 得春字

其三 得臺字

抱表懷繩 得懷字

吟德懷和 得懷字

守始治紀 得非字

執禮持衡 得衡字

聲律身度 得爲字

萬流仰鏡 得年字

治民表道

得明字

三畫連中

得連字

其樞在水

得樞字

王者敬日

得荀字

鍾水豐物

得鍾字

疏盈瀉溢

得星字

練迹校名

得名字

躬工人績

得先字

斲梓染絲

得初字

研精耽道

得耽字

收華採實

得詹字

銜華佩實

得銜字

染藍琢玉

得藍字

顏苦孔卓

得顏字

水積成淵

得淵字

大法小廉

得廉字

陽禮教讓

得陽字

圭璋特達

得璋字

剔毛攬翮

得毛字

風雨玉燭

得和字

雲潤星暉

得暉字

雲興四岳

得興字

如泥從印

得如字

延美大光

得光字

一樹百穫

得人字

其二

得多字

信如四時

得如字

冠德卓蹤

得崇字

化若偃草

得風字

拊本引綱

得非字

鑑不辭形

得形字

如月之曙

得如字

明光若禋

得光字

農爲政本

得農字

風雨至公

得公字

玉帛效心

得心字

以祈甘雨

得祈字

以德爲車

得車字

其二

得肥字

所寶惟賢

得賢字

求賢若渴

得求字

爲臣不易

得爲字

陵風協極

得風字

稱物納照

得朝字

主善爲師

得師字

垂拱司契

得司字

修身爲己

得己字

激濁揚清

得清字

不貪爲寶

得廉字

笑比河清

得清字

其二 得包字

朱衣點頭 得科字

學校如林 得林字

鶯遷喬木 得遷字

鴻漸于逵 得儀字

銅似士行 得常字

行不由徑 得由字

漁者宵肅 得漁字

非秋垂露 得秋字

芸香辟蠹 得香字

日寸月尺 得然字

農丈人 得星字

記事珠 得珠字

澤下尺 得廿字

日月耀人文 得文字

敦俗勸農桑 得敦字

政成在民和 得和字

中和爲萬物 得和字

天地萬物郭 得揚字

道積自成基 得基字

汲古得修綆

得修字

憩石挹飛泉

得泉字

置嶺白雲閒

得山字

旣雨晴亦佳

得佳字

風簾入雙燕

得雙字

紫燕光陸離

得光字

天路欲飛聲

得良字

天際識歸舟

得訛字

雷聲忽送千峰雨

得雷字

小欄花韻午晴初

得欄字

山雨欲來風滿樓

得風字

學者心之白日

得心字

翰林爲主人

得林字

星使出詞曹

得星字

舒文廣國華

得華字

陳詩觀民風

得民字

其二

精理亦道心

得精字

名實久相賓

得江字

良田無晚歲

得田字

平秩東作 得東字

東風解凍 得東字

春風風人 得春字

春風鼓俗 得調字

元鳥司分 得分字

魚陟負冰 得冰字

花濃雪聚 得濃字

新萍泛汜 得新字

春風新長紫蘭芽 得春字

野含時雨潤 得含字

雨添山翠重

得添字

來降燕乃睇

得來字

執陟攻駒

得攻字

垂雲助麥涼

得涼字

紫櫻桃熟麥風涼

得和字

近山麤麥早

得山字

櫻筍廚

得廚字

首夏猶清和

得清字

梅炎藻夏

得梅字

平秩南訛

得南字

其數七 得其字

四月秀夔 得夔字

五月鳴蜩 得蜩字

山雜夏雲多 得山字

蘭池清夏氣 得清字

甘雨爲醴泉 得甘字

夏雨生衆綠 得生字

深柳讀書堂 得深字

荷芰水亭開 得荷字

黍稷盈原疇 得盈字

螢火不溫風

得流字

疏雨滴梧桐

得然字

黃花晚節香

得香字

雁陣驚寒

得寒字

廳館輕霜拂曙袍

得豪字

小陽春

得陽字

孟冬頒朔

得願字

其數六

得冬字

律中應鍾

得鍾字

十月隕穉

得冬字

宵爾索綯

得宵字

朋酒斯饗

得朋字

詩集 賦得體詩

八月湖水平

得觀字
庚申鄉試

重湖秋水滿八月洞庭寬人在青琳宇天開白玉
盤前隄初漲岸遠浦欲浮巒氣逼君山迴光連夢
澤寒蒼茫涵日月浩淼靜波瀾上下于潭印高低
一色看雙飛蘭槳利半掛布帆安好趁仙槎便乘
風快大觀

山輝川媚

得藏字
壬戌會試

輝媚呈佳氣論文陸賦詳其言如玉屑在握想珠
光洵是中懷富難教大美藏山深甕欲見川廣蛤

初張罨樹晴煙暖澄波夜月涼卽今看有耀白昔
一妙含章翠滴詞峰秀瀾翻墨沼香按奇逢

聖世

祕府薈琳琅

飛泉漱鳴玉

得鳴字
保和殿覆試

何處堪招隱泉飛詠士衡跳應珠共涇漱與玉同
清望裏迷元圃聽時訝白珩九天分咳唾百道瀉
瑤琤地認方流在人懷浚谷盟響和雲液脆影湛
月華瑩畫意兼詩意風聲雜水聲如淵

皇澤溥雅佩應河鳴

天降時雨

得川字

保和殿朝考

床徵昭

帝德曰肅本幾先偶以時曦久因思雨澤宜膏看流草
木雲已出山川下尺功真普依旬候不愆農心酬
望歲

聖志想如天潤入秧鉞嫩滋宜麥穗鮮鳩唳千樹靄犢
課一蓑煙生意崇朝徧從茲兆有年

長松吟風晚雨細

得翁字
乙丑散館

何處松聲起疏林雨又風枝高宜對晚濤響自吟
空細點穿崖溼長條捲瀑同但聞音謾謾不辨影

濛濛卓午延涼後東丁入聽中笙鏞酣雅奏鼓吹
吹天工綠樹懷新蔭蒼髯卽此翁

御園泉漱玉清韻更沖融

誠存爲物所

得誠字
庚午考試差

祈澤

三
雩舉

心齋兼至誠福原

天子錫禮達

聖人情有契通

真粹無私治好生奉三精不隔抱一式惟貞花雨寰中渥

松雲象外呈

德期數子惠典已懋寅清所祝籌同滿其孚缶自盈和

甘昭

景貺茂豫樂由庚

金人示戒

得言字
癸酉考試差

養正欽

宸讚修辭

聖訓尊式原人可鑄教協

帝敷言石闕含章守金心保鑑論口緘精作則目擊道

斯存範借真形寫箴垂爾舌捫德音昭有物枝語

息無根鏡握

堯憑闕旌揚

舜闢門

齋宮森寶相

抱蜀契安敦

靈液播雲

得雲字
己卯考試差

星好人占畢琴調

帝詠薰蕙蒸靈醲液月送溼飛雲苑爾重霄播油然四
望殷氣通山澤奧鱗漾水波紋幕地陰猶漬垂天
縷欲紛白搖層岫密黑入古崖礮溜本神淵吐源

從

福海分流甘敷

惠澤早慰

聖心塵

金花帖

得花字

藥榜初開日臚傳帖到家班行連玉筍消息報金
花席上簪原好書中格自華箋同紅紙遞封是紫
泥加寫處香流管披時屑露沙銀鉤新筆法鐵硯
舊生涯字朗朱題塢詩畱絳換紗門前文杏發吉
語幾人誇

導德齊禮

得齊字

館闢崇文地人瞻向學梯德修民氣導禮舉士風
齊洵有先聲樹應無末路迷宣三徵亮采畫一仰
提攜尙往功資漸同歸志不睽據宜司左契成已
肖方圭有造詩同詠惟清典粵稽甄陶欽

帝範樂育景

洪禔

繞屋樹扶疏

得陶字

繞屋皆嘉植深居客憶陶編茅成結構樹柳喜周
遭人境喧能避吾廬跡自韜濃陰三徑合空翠一

庭高雨送琴邊響風翻枕上濤微涼生北牖遠色
納東皋得蔭棲新羽怡情對濁醪槐廳依

治日肥遯謝蓬蒿

接葉暗巢鶯

得巢字

入夏園林好新鶯恰定巢地偏禽自樂葉密影初
交珠樹棲宜穩金衣認豈滑未須黃羽刷宛稱綠
雲包雨氣遙通幄風枝暗振梢有時千囀發微露
一梭拋閣上鴉同護花間蝶偶捎題詩懷杜老佳
景自推敲

山意衝寒欲放梅

得衝字

又報梅花信看山已入冬冷催風料峭晴透玉瓏
鬆冒雪開羣嶂凌煙見數峰幾生修得到此處氣
先鍾香逆千枝活春添一夜濃定隨清笛發不受
白雲封夢裏傳芳訊吟邊認舊容段橋攜客地明
日曉寒衝

恍惚中有象

得中字

至道根沖漠誰從仰化工竊冥如有悟恍惚遂能
通意會言詮外神傳想像中若存仍沌沌其妙在
空空月印千潭共花拈一鏡同祕惟微象罔遠欲
剖鴻濛虛室還生白丹爐或耀紅形形真契在觀

教洞元功

心歌腹詠

得歌字

皇仁深覆燾萬衆仰

恩波樂附皆心腹忘言有詠歌音從懽處發稟記鼓時
多宛欲探胸出原非畫肚哦牙聲空選韻髀拊豈
同科脈脈衷堪寫悵悵度弗訛節諧人擊壤響答
鳳鳴阿

聖主聲爲律賡颺叶太和

龍見鳥瀾

得文字

選賦詞徵陸拙新潮舊聞煙開龍現彩瀾闊鳥成

文氣爲凌霄迴光從染翰分行空爭馬力戲海起
鴻羣岳拔鱗鱗勢濤驅翼翼紋蛟拏同變化雉竄
謝紛紜日傍

螭坳麗流寧

鳳沼芬爲章昭

聖製五色仰星雲

杼軸子懷

得文字

妙手傳佳製胸懷杼軸聞七襄行裏出五色腕閒
分頭緒徐相引心絲細不棼繭抽功在我鴛繡看
從君絡繹名言聚迴環錦字紛別裁調綺語新樣

見花紋絹結黃邊綵紗籠碧處雲經綸宏

簪藻組織薄機文

烹葵燒筍餉春耕

得耕字

葵筍當春飫郊原正課耕烹來蔬可餉燒處竹初
萌鴨腳連籃美貓頭入盒輕物疑幽土熟人似渭
川行園煖同炊藿廚香定雜櫻露華雙擔合煙火
一村明簞食田家味盤餐婦子情

鑾輿臨省日飽

德徧歌聲

春江水暖鴨先知

得先字

萬頃江流活欄橫乳鴨邊水當春乍暖禽得氣之
先漠漠光初泛鱗鱗色正鮮毛浮新綠合掌帖小
紅圓路認冰開早姿非日浴妍輕搖萍葉雨細唼
柳花煙豚欲銜蓼上魚同在藻穿太和涵

福海咸若物情宜

綠竹夾清水

得江字

游宴依修竹詞徵夢筆江綠看疏影夾清對順流
撞雨態參差漾風懷左右降鏡鏡鸞舞並波帖鳳
飛雙沈處寒交玉敲時翠滿杠遠圍金柳岸深覆
水蘭艤佳士憑閒坐漁人好繫椿桃花前渡合更

撥水雲窗

琴上薰風入禁松

得松字

一曲瑤琴鼓風來

舜律從送將絃上意寫入

禁中松舊譜傳三疊新涼詠

九重音還添謾謾濤似瀉淙淙
牖豁雲猶潤枝高雨未
封調宜含徵角酣欲合笙鐘
祕響驚孤鶴疏鱗認
老龍飛卿工發詠清景洽

時雍

恩風長扇

得恩字

飽德懷

醺化含和仰

至尊風人春在抱扇物

帝宣恩已覺冷然善頻教卽也溫吹噓元氣合長養化

機存蓬動

堯憑瞞薰調

舜闢門樹聲端有象鼓俗妙無言草偃徵前度花開定

幾番卷阿欣矢詠

聖澤恢游原

夏雨雨人 得人字

等賞原司夏醴施一雨均及私同雨我徧惠倍宜
人潤洽由庚遠滋含卓午勻醍醐從頂灌膏澤自
肌淪但覺油然沛都緣化者神爲霖功賚傳如膏
德懷郇生上剛符尺占三早應旬

聖恩覃六合器小陋齊臣

浮涼帶雨來

得涼字

對景朱超詠花臺正夕陽忽飛三色雨猶帶二分
涼細點輕飄灑微寒遠送將白拖雲一縷綠曳樹
千章爽氣分遙岫秋聲入畫堂笠斜村外路琴潤
石邊牀頓覺浮埃斂都無溽暑妨流甘敷

聖澤解阜物咸昌

舉實爲秋

得秋字

景陽陳七命克舉緬王猷以實風斯古無爲歲有
秋種因豐德獲功爲樹人酬義園欣呈植情田儼
服疇候占仁已熟耕記禮能修老圃容非淡家承
望共收於時歸積聚此路詠薪標

聖世栽培厚成材喜拔尤

竹柏得其真

得真字

竹柏何年植清標舊結鄰空山無限意本性有其
真翠重偏禁冷枝高迴出塵雪封千个峭霜抱十

園新太古常留色羣芳枉作春心筠通表裏風雨
自精神對鶴思同契棲鸞卽此身託根期得地招
隱謝前人

天河洗甲

得秋字

王者師無敵妖氛掃不留占原符地水洗更挽河流金
鎖光猶爛銀袍隊已收都將三屬甲同滌一天秋
殺氣消鯨海寒芒捲蜃樓雪飛韜組練塵遠淨兜
鍪士記投鞭合兵原望雨倅攻心宏

聖筭饒吹聽軍謳

其二

卷甲神兵速垂橐勁旅收挽將銀漢水洗出鐵衣
秋幾載披堅力今番脫鎧謀妖氛千里淨爽氣一
天浮雪疊波光湧霜飄練影流渡猶懷飲馬鼓不
動牽牛魚海營俱撒龍泉劍共投

熙時方偃伯繩直仰

皇庥

六鼇海上駕山來

得燈字

麗景飛元夕靈鼇結綵燈來如浮海出高擬駕山
能貝闕空中現銀濤望裏增頭昂驚最屬背負想
峻嶒矗訝樓橫蜃搏疑水擊鵬魚龍爭曼衍風月

任軒騰火樹三千藥珠宮十二層嬉春逢

盛七

御六仰時乘

一日看徧長安花

得花字

得意春風早長安路未賒榜開人及第鞭指客看
花牋寫前宵帖鏤連此日車六街眞軟繡九陌正
烘霞地訝紅雲滿天難夕照斜香塵吹不斷官鼓
聽猶撾鬢插簷敲帽詩留壁映紗曲江仙宴近回
首拜

恩嘉

迎梅雨

得迎字

浙瀝恢台候黃梅實欲成陌頭春乍餞枝上雨先
迎未黯江天路如傳驛使情綻紅遙識面索笑舊
同盟有腳穿林急無聲到塢輕幾番勞簪擁過此
欲筐傾送冷花開棟來薰樹綴櫻

上闌方薦熟佳味報和羹

送梅雨

得行字

小暑看初過江南雨氣更爲催梅子熟又趁棟風
行鄧尉前番路羅浮幾日程灑時疑有恨酸處豈
無情試按飛花曲如聞折柳聲梁應窺月落夢已

失參橫點點征衣黯雪霏別緒縈西湖鋤月地早
遣一枝迎

稻孫

得孫字

纔過西成候連阡晚稻蕃芸時曾去弟刈處又抽
孫孽豈芴支出苗真遠裔論託生來饁婦合穎卽
諸昆似報添丁喜重看結子繁祖應旧是迂公想
祖同尊春小名符竹秋高種類蓀餘三歌樂歲保
赤沐

皇恩

息饗報嘉歲

得田字

報本隆將饗庠嘉慶有年餘三功始息用八蜡斯
全勞物農歸老酬勲耆主先黃衣同入社青笠舊
遵阡調想吹豳朗聲聽伐鼓淵送神微雨後扶醉
夕陽邊豚祝心原切貓迎事已虔屢豐歌

聖瑞綏萬普情田

黃綿襖

得黃字

愛日隆冬暖如綿被八方遙穿雲背赤高掛樹頭
黃天上開機杼人間換鵲鷄絮收窗外雪袍拂曙
前霜透出衣無縫添來綫共長惠均民挾纈輝映
帝垂裳價豈論千腋功非藉七襄

鑾坡欣負曝黼黻戴

恩光

砥厲廉隅

得隅字

計六推良吏通三仰碩儒是廉原有本維德此其
隅嶽嶽嚴操守校校揭楷模貞心觀介石破體陋
圓觚豈曰磨而磷依然厲以須圭防微角玷矩有
一分踰水飲懷堪證金投義不污願將清白意澄
敘答

鴻謨

其二

得磨字

欲植廉隅節程功在琢磨無瑕深砥厲有益切觀
摩質淬精逾出材堅志不阿方之圭比象轉也石
殊科席正嚴周折堂高凜側頗四知存念久三反
會心多懷冒渝其素光還耀自他

清時崇正品修士敢蹉跎

其三

令德純儒協廉隅凜若何砥之如石介厲乃似圭
磨有角原難折懷方總不阿摸稜垂戒切踰矩惕
心多破豈觚圓例成休瓦合科切劘看若此孤峭
笑從他白水盟壘證貪泉酌亦歌

聖朝澄吏治六計仰無頗

其四

植品廉隅貴由來砥厲多立原方不易遵協道無
頗去角時相惕摸稜夙所訶通三高氣節舉一切
觀摩矜也思毋越堅乎質任磨幾人瞻峭直此志
弗依阿鋒及心常在金相象若何

熙時儒術重亮節入撻羅

其五

欲識廉隅守功深砥厲過其旋原矩中弗玷自主
磨礫懼因人誦精期律已苛象惟貞石守義月辱

金訶瓦合應嗤彼觚圖敢效他習方無不利觀善
謂之摩潔想盟如水清知笑比河握金昭

聖化遵路泯偏頗

其六

修己廉爲本維隅砥厲多反三功勿懈計六理無
頗詎可儒爲戲須知玷不磨節同攻木解圓豈破
觚訶介石貞如此精金淬若何從心知矩立入世
目光和德想嚴而厲功期切復磋作人欽

聖世常凜範圍過

其七

砥行儒爲貴精修自揣摩隅應堂可象廉與孝同
科介豈三公易堅難一角磨席閒趨必慎屋漏相
原多儻弗圭方守其如瓦合何瑕捐金作礪私克
斧從柯本性殊硃石餘鋒淬太阿作人欽

聖世大矩運無頗

七舉時節

得時字

用七言徵管乘權夏令司占星剛測火舉政必因
時左个堂初啟中天化並施道光南極正功普少
陽滋珠斗看聯綴璣衡妙轉移數符章置閨徵協
範稽疑會也人由禮薰兮

帝詠詩調風欽

聖主昭景煥重離

豐年爲瑞

得豐字

握鏡光

釀化年祥洽屢豐始知芝草瑞未及美禾功
琲疊千箱滿衢收萬寶同按期占玉雪依候報金風
雲潤星輝處球聯璧合中價無倉米貴登與席珍
充垂象三階正迎貓八蜡通璿璣齊

聖政上稔詠壙崇

水澤腹堅

得堅字

水勢冬歸澤寒凝氣倍堅而皴風定後腹果雪飛
天惕若神應爾皤其象宛然厚誰探內蘊險已扼
中權地肺捫同列波心結正圓流看前渡合貯想
此間便定有舟遲戴非關客笑邊懷貞臣愈切相
對凜冰淵

夏雲多奇峰

得峰字

忽作嵯峨勢雲奇換夏容卷舒原出岫突兀更成
峰側出人誰識飛來路又逢望疑衡九面高壓岱
千重穴酉探能否驅丁鑿未庸因風增境界與海
盪心胸潑墨詩情幻和煙畫本濃會看數

聖澤霖雨慰三農

火養母

得通字

木生原是火火盛木能通似解春暉報因徵夏假
功午垣常弗忒子舍宛相同天棘吹應暖甘瓜薦
正豐離懸真愛日樹密不妨風堂北花光裏陔南
草色中厥端人是法此理

聖尤崇虎觀羣儒集言符

達孝衷

一月得四十五日

得工字

漢書傳食貨深巷亟冬工不懈長宵績憑增半月

功影還添綬似計與索綯同幕暖三重後春分九
十中候疑天再旦餘是歲方終幾望頻窺月經旬
恰度風機聲和漏永花影剔燈紅衣被欽

皇訓閣閣本業崇

望雲思雪意

得雲字

一片霏霏意漫空影不分望中疑有雪天上已同
雲散色高檐覺風聲昨夜聞醺寒猶悄悄作勢欲
霧霧小立棉應薄輕飛絮未紛筇看支檻外舟擬
釣江濱抽祕懷司馬時晴快右軍豐年知有兆早

答

帝心塵

園有見杏 得青字

又到恢台候修林杏正青曾同蒲葉望剛值棟風
經映日精先結栽雲地本靈藏拳猶密密照眼已
星星枝上春應老樓頭雨舊聽揣形伴彈子辨種
問園丁滿塢梅同熟連山筍並馨尙懷簪折日嘉
惠拜

彤廷

德化冠冕 得冠字

弁冕開醇化堯仁布德寬尊惟修絰續望已肅太

冠體物歸前則臨民式大觀五章天命服三錫主
持輦日月凝旒遠星辰夾佩看戴宜華作繪慶比
沐新彈世仰垂裳治人承挾纊歡

聖恩欽廣被黼黻拜干官

萬機簡心

得心字

綏萬

皇猷懋機緘仰

知臨運之如示掌簡矣妙從心地本中樞遂綱先左契
斟

勅幾謨自遠熙載典惟欽交泰辰垣撫澄觀甲夜深釋

侔虞省括調想

帝張琴有要操規矩無私式玉金

勤施超漢代賜拜起歌吟

悅在施有

得施字

心悅懷

醲化敷天溥

德施於民藏有富惟

帝奉無私

澤想千丁愜

恩從一己推登三源不涸餘九粟能支但使修和懋非

闕口納司無言功協兌以治嚮占離小惠噬齊相

洪禧輦

聖時八方

仁壽洽忭舞上瑤卮

禮交樂舉

得交字

秩典延年紀升禋首祀

郊禮行將玉帛樂舉暢笙匏動協陰陽妙和占上下交

崇壇瞻北面昕鼓應崇膠旅肅鵠分序音諧鳳集巢周旋

欣中節殷薦合觀文庭實儀惟腆宮懸韻不淆格

天馨在

德瞻就近

螭坳

隆物示民

得隆字

宜民垂物則大化仰

圓穹宛比周行示同符

帝極隆昭昭瞻在上蕩蕩協于中號萬生惟肖函二用
不窮繁能滋象數遂已判鴻濛有藏真無盡其施
本至公冒原形若笠張想道猶弓奉若欽

皇軌均調

昭澤豐

需平人富

得調字

慎憲

皇心懋宜民

聖化昭應平同準
眡藏富仰

鈞調典則

前章守豐盈比歲邀道瞻君子履衢聽老人謠象泰三階

正綏豐百室饒

省成欣拜手飽

德樂垂髻

令布先千畝時和順八條從知超漢紀教養沐

熙朝

執沖含和

得和字

允執

皇心密含宏懋德多

功原深勛

度白秉沖和太古春常滿中天道不頗謙摛義盡易事

敘禹登歌握有金心在調無玉燭訛六虛歸運星

四極共包羅抱一衷如此函三義若何鞏虔欽

聖念縣宇沐

恩支

六通四辟

得通字

襲六還兼四言徵漆吏工德恢賢路闢化洽

帝衢通律呂調宣後方隅響應中府修開禹範門啟達
虞聰晷正符占泰時和序報豐乘龍三極廣生象
二儀同調幕天旋左歸墟海赴東登咸欽

聖世遵路導羣蒙

其二

昭德重門闢歸仁萬國通六連敷

帝極四達覽

皇風律想吹箎應光看被表同經邦周懋典宅隩禹成

功日御占乾馬時行洽泰鴻戴鰲維奠左生象極
居中義叶詩情正精符樂術崇蕩平昭

聖軌寰寓樂延洪

登春臺

得登字

資始

皇春洽調元

主極凝瞻之臺宛在熙也路如登

福寓依

光近康衢鼓腹曾履和原坦坦向

化育熙熙國擬華胥人人非夏屋乘暖應同日就鼓已

協風興有土於斯樂其基莫不增含淳欣

聖世遵道叶升恒

其二 得春字

柱史言衷道熙熙喻化神登符人向日臺仰

帝如春詎止居高望彌徵納陛親重重瞻厦廣六六想
宮輪經始應來子開先本肖寅無私風其暖有極
路同遵谷入陽回黍堂躋

壽祝辭

堯階瞻就近筭軟八千椿

其三 得臺字

春光融

聖世和氣結高臺宛協登三象欣瞻

御六來淩雲崇德仰向日化基培仁宇輝同近明堂坐
正開象占風草應路認雨花回鼓舞形斯上薰蒸
意共催成應占不日教已暨無雷恰際興賢會

洪猷八表恢

抱表懷繩

得懷

語治淮南著陰陽仰燮諧形端緣表立墨切自繩
偕爲式覘攸抱其趨驗允懷植圭心絜矩從木理
分惜樹想言坊並循宜事緯皆設中居必正秉直

于無乖光被敷

堯寓絃揮和

舜階蕩平昭

聖軌歸極徧羣儕

吟德懷和

得懷字

淮南傳郅治敷化處義諧德動宣天籟和調普聖
涯宛同歌吹發不使性情乖畫一開乾統平三協
泰階金嶽中極應玉燭四時皆鳳覽輝堪下鸞鳴
韻共嗜世眞推有道人已邁無懷解阜欽

皇代歸心萬國偕

守始治紀得非字

治守衷諸道誠求

聖化巍尋源觀太始飭紀念前徽極向無名會功從有
秩歸函三包脈絡協五共樞機柄握乾同固綱張
履不違基之昭物則修矣肇民依德並猷爲懋心
參變理微

帝謨欽廣運名論軼韓非

執禮持衡得衡字

典則徵隋志乘離節候亨宜民功舉禮稱物道觀
衡執矣衷於允持之酌以盈儀修三極朗筭握九

章明勅敘鴻謨協低昂象數呈其旋占履考爲柄
肖乾行軌納周官懋璣齊

舜政平當陽欽

聖主調化樂由庚

聲律身度

得爲字

稽古懷文命因心律度垂音宣原有節法立自無
爲籟想由天動平惟稱物施導和義瑟擬齊政舜
衡持干羽雙陳後光陰寸惜時颺言夔繼職紀步
亥分司吐納諧宮徵周旋中矩規建中欽

帝範

福極協咸宜

萬流仰鏡

得年字

浩蕩

恩波闊汪洋

聖澤宣萬流歸有極一鏡澈無邊照處榮光滿披時德
色鮮朝宗遵道路溥博想原泉百頃輝同徹千秋
鑑共懸握金昭穆穆式玉擬淵淵象協天臨海心
符月印川

上儀欽

澤茂維續陋延年

治民表道 得明字

治貴衷諸道民瞻象宛呈形端原有準表立務須
明定識坊宜樹由來矩必平設中居不易秉正擇
惟精似水樞先握如圭影弗傾遵應歸汝極望若
示之程日揭乾車運雲扶泰柄行

國維張

聖主語好證荀卿

三畫連中 得連字

考古微繁露書王妙義詮道原宏四大畫必用三
連卦協參才始人操馭衆先陽開君象泰德合主

乘乾允執虞功懋惟和禹事宜其間函太極所握
在中權迹遠稽蒼史文同紀綠編爲章昭

睿翰咸五洽

陶甄

其樞在水 得樞字

清一敷醲化齊卿發德謨淵然觀厥水動者得其
樞有本機常握於中矩不踰汲同修綆合挈與智
瓶殊闢闔誰通戶方圓想在孟柄操作運斗括省
勝張虞胝準昭圭臬因心轉轡轡逢原欽

聖宰伏化渥綵區

三君敬曰得荀字

維王勤作德濟日語徵荀道本欽崇協功符敬授
神後先常視甲出納必惟寅至戾懷無逸如盤凜
又新譽貞詩夙夜典重禮昏晨兄事儀同肅君臨
象最親惜陰珍禹寸省歲定堯旬不息天行健乾
乾頌

聖人

鍾水豐物得鍾字

治水開方略河流協軌從疏川敷

禹績豐物頌

陶文毅公全集

卷十四 詩集

三

堯封瀾每安三汎春先布

九重陂池精蓄縮江漢久朝宗漕輓吳船速程通蜀米
供蘆丁恬澤國瓠子屹金墉事本勤溝洫功應陋
釜鍾決渠占雨降

渥澤沛田農

疏盈瀉溢

得星字

水利先疏瀉天文列九星持盈知有本制溢豈無
形義取宣防密功難挹注停流謙遵道路習坎辨
畦町定有渠歌鄭何須峽擘丁瓜皮高泛白竹箭
潯浮青象協江朝海源殊渭濁涇安瀾欣入頌

三才滄溟

練述校名

得名字

計典逢三載維

皇課吏精練材觀乃述校實副其名賞擇猷爲懋功資
譽望成獻

廷心矩合歌路口碑盈遠有風徽著同符月旦評求
應瞻履憲和不等隨聲職効馳驅謹官司出納貞

釐工欽

聖主賜拜效歌賡

躬工人績

得先字

周文毅公全集

卷六十四

詩集

七

妙喻稽揚子源探正國先亮工修已懋熙績得人
賢規矩從心應經綸運掌便伐柯瞻法則製錦想
纏絲斧藻材歸範璣樞道中權締知鴻構就芬笑
繭絲牽屢起千間日機襄五色天

萬幾塵夙夜黼黻肅官聯

斲梓染絲

得初字

體性功資學雕龍證厥初斲惟文梓似染想素絲
如有樸勤諸始爲章藻不虛心斤揮竊竊意組浸
徐徐丹雘遲塗飾青藍妙轉舒器修材特達采振
緒分擘畫一從繩後纒三浴繭餘

聖訓集寶詣華選集簪裾

研精耽道

得耽字

勵志張華詠研幾

聖學覃惟精欽

論著於道本

心耽理向先天悟神從太極函極深思並孔觀妙語嗤

聃察也鳶魚會飴之菽粟甘德模惟自鑷經俎已

全酣立想中生正功符一貫三

宸衷敷有極象協地天參

收華採實

得詹字

鳬藻揆英彥翹材

聖化霑華收看

輦附實採憶巖潛秀共三珠苗花非一笑拈升庭蘭芷
舊爲室棟梁兼庶子芳初擷家承望舊瞻雅宜標
樸詠爰叶拔茅占蘋采人由禮梅調汝作鹽關門
光

舜典徵史陋應詹

銜華佩實

得銜字

萬古尼山業文垂至理銜抒華窺祗蘊崇實想精
嚴漢茂基先沃槃深體不凡義根千載味枝語百

累父後素原通繪書紳儼立監栽培敷四教模楷
極三緘茹典欽

宸藻宗經闡祕函

天章輝

御集

鉅製緬韶咸

染藍琢玉

得藍字

立學書稽沈膠庠茂典參器成惟琢玉色染必資
藍秀向環林擷源從璧水探練絲初入化攻石舊
曾諳採記檐盈一縑還采藉三文章觀太素聲價

溢雙南蔚若輝相映溫其質自含作人欽

聖制樂育

濺恩覃

顏苦孔卓

得顏字

子雲工論學苦詣溯賢關卓爾行瞻孔從之力竭
顏祇緣求道切轉覺致思艱牆峻肩難及階升手
莫攀心存三月後閒在一隅間似木慚雕朽如金
笑鑄頑幾時窮巨海此路仰高山聖域終優入長
懷若是班

六積成淵

得淵字

所志同觀水良型溯茂先積惟虛若谷成乃極諸
淵廣納深爲蓄俱收細弗捐靈源思揭漢小德本
流川瀦想盈盈爾來應汨汨然定知科有本欲學
海無邊習事曾占坎舒文更湧泉

聖功宏翕受溥博頌如天

大法小廉

得廉字

正已箴聯著同寅大小兼采蘋欣樂法飲水自徵
廉霖雨羣生望清風一介嚴調和歸玉鉉澄澈想
冰匱詩有羔純詠爰無虎視占心平顏不忤身潔
夢猶恬率屬周官紀承流漢吏覘釐工欽

聖訓勵翼互摩漸

陽禮教讓

得陽字

飲射頒鄉禮周官設教詳於人觀厥讓其義取諸
陽百拜儀交錯三賓旅肅將詩應歌伐木技不詡
穿楊已鵠皮雖設丁牛器善藏德剛循抑戒勞柄
握謙光爭也皆君子柔之自

聖王澤宮

文治洽正序悉賢良

圭璋特達

得璋字

禮肅行人命賓觀上國光多儀通介紹特典重圭

瑋包豈茅能藉恭先幣未將偕陳無土物高置本
金相文漫誇千駟皮休炫五羊垂縑原示異比德
况非常玉獻城論卞珠呈乘照梁席珍方應聘表
瑞達

朝廊

剔毛攬翮

得毛字

遴材徵抱朴剔攬

聖心操欲展同飛翮須疏勿用毛疵吹精是取健舉氣
方豪日候經三伐煙空渺一毫毳先搔腹背羣已
謝蓬蒿吉卜鴻于陸聲聞鶴在臯本非皮相識相

慶

德輝遭勵翼登

皇路聯行集俊髦

風雨玉燭

得和字

風雨三階應庥徵象若何玉懸輝似此燭舉耀從
他信有連番報期無十日訛榮光浮木潤佳氣綴
珠多采訝虹流渚銜宜鳳集阿搖煙籠瑞草點露
照嘉禾好作豐年瑞如聞復旦歌畢箕塵

聖念

豐化叩調和

雲潤星暉

得暉字

曲水承芳讌王融麗句揮雲從天上潤星爲

聖人輝四嶽興能徧三台望有歸松生同穆穆榆種覺
霏霏呂欲干青氣垣看澈紫微非煙瞻馥郁出日
共光暉密豈西郊自居惟北極依床徵昭

帝世齊政握璿璣

雲興四岳

得興字

好雨資天貺功先四岳承德占施也普雲已勃然
興待族機原速凌霄象可憑煙開衡九面膚合岱
千層密豈西郊俟涼應北牖憑無心成杳靄有勢

望峻嶒定滿爲霖願咸歸大造能誠祈孚

聖念澤沛兆豐登

如泥從印

得如字

善政稽隋紀連城任不虛令行從草後工妙範泥
初詎假塗塗附由來印印如鈞和心有則式抱德
全攄事異封丸日恩深繫肘餘陶河虞后化平土
如王書鎔比金須藁機侔水挈車

綸宣

芝璽握觀法仰

宸居

正美大光

得光字

普汜

皇宣化縣延

帝錫光

美猷欽被表

大德本含章充實

鴻徽著恢宏

駿烈彰占乾能以利由豫發其祥有象金堪握爲龍玉

其相化緣尊五協義準貫三長載采敷謨典維新

爍夏商星雲昭

聖瑞稽古語徵揚

一樹百獲 得人字

美報何由裕經邦樹以人不耕能有獲所計乃終
身材本無雙擅功非挾五倫菁莪儲國彥喬木得
親臣拔自占連茹來誰歎積薪半千同擷秀二百
莫論困節擬松瞻嶠枝看桂擢詵繁林欣借一棫
樸頌

昌辰

其二 得多字

樂育關培植功收百倍多得人同樹木有獲比嘉

禾教本因材篤登還計斛過三升論選造八斗入
揆羅穎擢東堂秀喬瞻巨室柯茹連欣有象車載
弗同科拔十才真美無雙譽豈阿儲英逢

聖世下士詠菁莪

信如四時

得如字

秉信昭

皇度時哉化自舒一誠常弗忒四序宛相如契證迎年
始精孚省歲餘星還占鳥火物已格豚魚寒暑無
咨怨陰陽泯疾徐推行心有柄旋轉德之興幹運
人歸極徵休史獻書

昌辰調玉燭敷政仰

宸居

冠德卓蹤

得崇字

典引稽班固陶唐應運隆德高羣獨冠蹤卓侶誰
同萃拔欽文上神超步武中無爲推首出有立想
身崇弁冕開千聖馳驅亮百工舉頭人就日躊躇
戶從風化向由庚懋程教豎亥通

聖猷逾古帙巍煥仰

成功

化皆偃草

得風字

草偃懷醲化潘尼發詠工惟民後乃志曰聖示之
風有契孚荃宰無聲妙棣通冷然覘鼓舞賁若想
昭融黍谷春回後棠陰日麗中心偕傾藹驗義與
過蕭同蓬動雲開牖筠調律應簫
宸猷欽廣被協氣普蒿宮

拊本引綱

得非字

吏治關民治精求握化機本搖枝自應綱引目無
違詎待齊其末居然合以圍槃深根不撓繩貫道
同歸蔭想千條合疏殊一目譏動之覘舉措察也
及潛飛從木

皇心正張維

帝德巍法良惟

聖世卮語陋韓非

鑑不辭形

得形字

海鏡賡

宸什光明發典型極精原作鑑遠矚不辭形蓄影中無
滯流輝內自熒千潭同印白百鍊記鎔青握豈羣
情邇懸難片翳停萬流歸洞察四照本瓏玲妙協
爲金象新懷又日銘保三宏

聖度日關仰

虞廷

如月之曙

得如字

對月談詩品司空妙蘊攄思通銀漢曉人似廣寒
居萬竅空靈後三生洗鍊餘基更催正應蟾影照
何如魄濯冰壺朗花拈玉鏡舒前身關慧悟此境
最清虛錯雜雙珠韻莊嚴七寶書依

光欣復旦賡載耀華裾

明光若禔

得光字

帝懋勲華運臣歌荻祿章曰明天共照時若物咸康體
自昭融顯功從惠迪詳鑑懸觀在上衡牙履惟旁

玉燭三台煥金繩一德彰辰居輝自遠申錫紱來
方象著巍巍盛心懷贊贊襄泰交逢

聖世颺拜荷

龍光

農爲政本

得農字

欲識爲邦本須觀比戶封宣三原有政用八必於
農事向田間問人懷陌上逢載芟周肇業乃粒禹
酬庸月吉懸書早年祥報禮恭侶惟偕主伯義已
洽君宗頌合歌千耦春先布

九重耕圃塵

聖念作詠崇塘

風雨至公

得公字

玉燭調

宸綽

皇心握大公雨人爲化雨風物卽和風施本乘天出膏
非擇地融無私階應泰有兆歲占豐信記連番準
期原十日同畢箕情共洽寒暑氣潛通盡仰均平
治因徵肅聖功凝祥昭

福極管語陋齊東

玉帛效心

得心字

玉帛將誠意香升秩祀歆禮通

天帝緯精效

聖人心旌嚮忱斯達神明貺自深黃流窺穆穆白賁抱
悃悃摺珽傳芳矩承筐發德音候方

齋甲帳典已洽壬林風雨三階應冠裳百職臨庥徵昭
聖肅茂對愜

宸襟

以祈甘雨

得祈字

歲歲豐穰慶流甘皞化機自

天昭

德威爲物更

誠祈

甲帳

齋心切丁田望澤肥

精神通

帝謂消息重民依得氣數千畝

行春記六飛松雲黃屋藹花露綠疇罪事豈同湯禱紘

還應

舜徽

雩壇欽致恪

閬澤沛郊圻

以德爲車

得車字

洵有推行妙郵傳命不虛德殊名有跡文借意爲
車體溯旋樞始功參記里餘澄清欣攬轡厚載本
同輿旌結覘純一驚和中疾徐馳驅予範在周折
物情攄經軌昭鴻則山梯達象胥會歸敷

帝極黃屋霽

宸居

其二

得肥字

御六

皇風洽

登三

主德巍能推心有轂遠軼國之肥軌溯聰明範輪扶日
月輝得輿君子應夾輔相臣依厚載人歸極時乘
帝式圍軌輓徵信實馳驟是明威心結雙旌正

恩宣四牡駢置郵傳

命速遵路奠華圻

所寶惟賢

得賢字

載贊臣求主鳴珩國亟賢得人因有利所寶此爲
先瑜想懷中握珍宜席上延光輝生白璧聲價重

陶文毅公全集

卷六十四 詩集

五

青錢旌幣陳儀日
璆琳選士年
拾無珊網棄
照有夜珠懸
臺擬千金築
園來束帛
菱接奇當

聖代特達入瓊筵

求賢若渴

得求字

名賢堪渴慕

聖主切有求
鑑乃清如水
從之善若流
羹調人有待
綬汲爾維修
潤豈波臣借
膠如越主投
酌斟喉舌任
輾轉腹心謀
望較林梅切
情原杖杜侔
酒漿殷禮意
洞溯起歌謳
籲俊登

皇路汪洋

惠澤

爲臣不易

得爲字

効力原臣分寅恭每自持況茲

皇有訓敢忽職攸司業許勦麟炳心常凜翼爲循牆三
命俯砥柱四維支莫但紆華綬還應詠素絲旬宣
追虎拜日贊切夔咨黼藻宜徽處鹽梅屬望時冰
兢昭夙夜特達

九重知

陵風協極

得風字

主極通辰極羣瞻相協隆奉三宏

帝載吹萬鬯

皇風有道形諸上無爲奠厥中聲惟宣通駿撰自體龐
鴻鼓以陰陽橐籥之造化工好憑從律驗猶記過
簫同高也神常炯巍乎象莫窮六連欽

聖治調泰本

宸衷

稱物納照

得朝字

廣納欽

洪度平施仰

盛朝無私天稱物久照日臨霄丙御循中道寅賓侯詰

朝麗時

雙闕迴瞻處五雲翹影測高低
臬衡窺左右杓秋毫
非待察宿霧已全消下土

光同觀長安路不遙

聖人宏作觀復旦起衢謠

主善爲師

得師字

大道先元善推行萬事基
有爲觀所主無適作之
師四德更端處三人別擇時
指南心可證面北禮
攸宜河海原無擇芻蕘總不遺
話從前席間載喜
後車隨謨贊皋俞禹疇
陳武訪箕與人宏

舜哲謙受

聖心摛

垂拱司契

得司字

酌典兼斟範辰居德化馳拱惟

皇極建契是

聖人司若台昭符節無私協矩規功同操券獲義與執
繩期體本心心印精教面面窺綱維咸在握變化
總相宜拊本欽

鴻則垂衣協象辭研都囑左氏表道景

洪施

修身爲弓 得弓字

勁正懷修士精良喻革工履祥周道矢身契聖人
弓立志懸弧壯呈能至毅同雙鸞仁熟後九合藝
游中健挽神存舍堅持德在躬審惟端已鵠援不
起心鴻爭也徵無所詔兮懋有功弛張欽

聖道小語陋揚雄

激濁揚清

得清字

良弼懷貞觀王珪自喻精激之毋使濁揚者必於
清力欲頽波制心如止水平江河雖蓄納涇渭總
分明索冑靈珠混投宜介石貞寸膠慚挹注千頃

溯晶瑩作砥還成柱聞歌記濯纓

聖朝澄士品海鏡豁

宸情

不貪爲寶

得廉字

美玉何須獻懲貪鄭相嚴無瑕身有寶爲本德先
廉粹質相金重澄懷若水恬圭璋深砥礪忠信久
摩漸點白神常凜珍黃守自兼光明心鏡握皎潔
意珠扣食豈雞羣慕情惟象齒嫌清箴宏

聖訓特達報調鑒

笑比河清

得清字

亮節長河擬人傳孝肅清千年非易俟一笑竟難
成懸口何須借澄懷人共盟相看揚不滓莫訝聽
無聲莞爾形何有冷然意自貞高流推此輩佳語
證前橫氣息狂瀾挽機鋒謔浪輕惟應承

聖齊汪度挹和平

其二 得包字

一笑堪稱瑞清傳宋代包心同河不滓量匪物能
滑峭色從人凜淵懷異衆嘖懸休開辨口澹只契
神交謔浪鋒全斂軒渠態莫嘲無稽嫌齒冷此叟
故牙聲撫漫憑雙掌澄非藉寸膠從來沈默士志

潔自寥寥

朱衣點頭

得科字

人格奇文賞朱衣
暗揣摩眉揚真得意
頭點卽登科
似契心裁妙微傳
首肯多筆無紅帛
勒座有絳冠
我領喜經呈佛搔
先睡走魔指疑彈
九烈眼不眊
雙波故事談中祕
仙人記大羅何如

天鑒朗品藻自無頗

學校如林

得林字

作士東都盛翹材
想鬱森學原三代
共計已十年
深豈但文爲囿
依然藝是林
榷楠咸在選
桃李自

成陰擢有堂東秀焦無爨下音市槐標濟濟壇杏
寫情情大木旁求日菁我樂育心朝陽晞

雅化萋華蔚新吟

鶯遷喬木

得遷字

出谷傳鶯喜瞻喬志上遷一枝欣得地萬木此參
天枳棘栖原異枋榆搶莫先號徵公子貴居接世
臣賢綠樹新陰合青雲好路連賀宜來舞燕升已
報銜鱣佳日求鄰切春風刷羽便

御園慈蔭裏高處聽音宣

鴻漸于逵

得儀字

上九爻占漸鴻飛信所之于遠欣得路其羽用爲
儀紫塞高秋迴青雲上界垂呼羣聲嘹唳結陣影
參差字外傳神遠琴邊送目遲雪泥畱舊跡煙水
記前期程已鷗鵬合羣教燕雀辭來賓逢

聖世風順恰乘時

銅似士行

得常字

律度頒天府惟銅性有常制關王者治行比士之
良所在心無貳其爲氣至剛五行推決斷百鍊自
光芒縱使更寒暑何曾蝕雪霜吾材顏共鑄汝器
賜同方用合冬官紀文從漢志詳大同昭

聖世秉德萬民望

行不由徑

得由字

攸行關夙守相士記言游道本繩同直情知徑不
由平平遵亥步坦坦視庚郵履自從吾素行原示
我周高山增仰望歧路笑夷猶蟻曲脂休附蠶叢
險漫投一時成獨往九軌弗旁求歸極瞻

皇範追隨慎好修

漁者宵肅

得漁字

澤國宵分肅鳴琴化及漁煙波同繫艇星火不叉
魚發笥機休設忘筌意自舒笥收風定後網掛月

明初響已鳴榔寂功真斷岸如蓼汀雙槩落柳岸
一燈疏俗美淵居禮人安水畜書衆維占牧兆豐
稔報閭閻

非秋垂露

得秋字

一運生花筆珠垂露點稠非非真入想瑟瑟忽驚
秋瀉出機無滯拈來韻欲流點皆成玉潤畫已涇
銀鉤元氣行閒著清光紙上浮有聲霏碧落無色
待金擎客自誇毛穎神誰叩蓐收簪毫槐署日湛
湛詠

皇麻

芸香辟蠹

得香字

蠹是蟬蟬物惟芸辟最良一經真有託七里舊聞
香不假中庭曬能貽插架芳生芬空燕尾剩馥到
螢囊貯爲斯文重鑽無故紙妨乙鉤吞未得仙字
食何嘗裝合檀心擬薰難艾氣方瑤函

奎閣麗星日護

龍章

日寸月尺

得然字

日月貞垂曜卮言採計然寸量朝旭朗尺度夜華
圓影測高低臬光分上下弦合膚雲入抱去咫鏡

長懸徑豈偕珠照盈還肖璧妍惜時陰獨富離處
澤同宜甌想晨移八潭看曉印千升恒符

帝德

睿照極無邊

農丈人

得星字

穡事誰人擅觀文紀列星巧將吾丈號傳出老農
形望歲情原切占年數有靈西垣常耿耿南極伴
熒熒石訝襄陽拜峰如泰岳經社翁名共古田祖
祀同馨象示民爲則祥符

帝與

齡八方耕鑿順紉縵煥

天庭

記事珠

得珠字

美貝貽張說名傳記事殊生明同智粦在握是靈
珠妙想探驅得奇從吐蚌輸警心觀玉鏡洞物勝
冰壺竟有胸中慧非徒掌上娛索來徵象罔懸處
記羊須座映雙清朗花開四照俱

萬幾塵

乙覽

天鑑秉璇樞

澤下尺

得甘字

欲驗生機速先憑澍雨甘去天纔尺計潤下已精
涵密點絲絲入新畝寸寸含十分龍隰透一滴馬
鬃探膚合雲同滃階盈雪早酣美禾因有利累黍
不須參日喜占符十農欣獲倍三

皇仁侔造物如膏萬方覃

日月耀人文

得文字

日月昭天表新詞宋志聞於人占有耀其象協觀
文經緯原相應光芒總不羣雙輪扶大雅四照炳
祥雲色正侔懸鏡章成想倬雲摛華瞻紉緱振采

謝續紛珥抱

堯階煥瑛齊

舜政殷

化成欽

聖世復旦其揚芬

敦俗勸農桑

得敦字

風俗維邦本農桑握政源鼓之功在勸厚也化斯
敦壤一先躬稼縑三記手益星言靈雨駕春話綠
雲村畝服耕疇樂人懷挾續恩歡真同婦子慶已
到曾孫嫺睦風猶古艱難意尙存情田熙

邳治

教稟

聖謨尊

政成在民和

得和字

覽物

巡春甸迎

鑾景若何

省成觀

政立養化得民和用八農功普宣三

帝澤多人皆欣飲醴戶已息催科風雨隄調變星辰順

作訛鶯花開世界
鳧藻洽謳歌路想恬
江海田還
美麥禾甘膏敷

聖惠潘令句堪哦

中和爲萬物

得和字

太始無形質陰陽忽盪摩
萬殊昭化育一氣發中
和體結鴻濛濛榮滋象數多
黃鍾窺有本玉燭耀
從他通理機堪驗
調元候不頗心傳虞矢命事敘
禹庸歌六子分奇偶
三辰順作訛敷言宏

帝極品彙入包羅

天地萬物郭

得揚字

覆載歸天地危言舊記揚圖惟觀太極郭通喻中
藏冒笠形斯肖堪輿象益彰循環周日月間闔顯
陰陽轍守元關密衝開化宇光扁誰司祕鑰包已
協靈囊囊籙真精惘網維

治世張八方歸

怙冒拱衛極瀛滄

道積自成基

得基字

主一心惟正登三業有基積躬宏

聖道成務奠

皇維仁義藩能固天人範不遺厥中期允執爾界想無

歧廈擬千間
庇山殊九仞
虧歸應瞻蕩
蕩受已協
丕丕淑氣春
臺繞

恩光福寓披
巍巍歌

帝德遠軼景
陽詩

汲古得修綆
得修字

考古抒新得
功深與汲謀
資之源有本
引以綆維
修欲使神明
滌先宜綫索
求掘難泉井
棄心與轆
轤伴汨汨千
條澈繩繩一
貫收握來機
應手探去
緒分頭淺笑
瓶空挈精還
繭共抽網維
恢

聖澤溥博

湛恩流

憩石挹飛泉

得泉字

小憩依磐石詩懷大謝年坐時雲掃磴挹處練飛
泉曲水曾觴客洪崖此拍肩半簾晴雪外雙屐落
花前指點凌千尺摩挲藉一拳人停屐際路虹掛
雨餘天玉液斟應滿珠光瀉正圓

宸游霄漢近攬景更澄鮮

置嶺白雲間

得山字

縹緲渾難狀雲邊望定山是誰工布置數嶺最彎
環天外飛來幻空中結出閒未妨峰讓側竟有石

鞭頭岩漾浮諸峭模糊露一斑日疑銜以入風不
引之還巧構清虛裏奇呈點綴間斷青知有路高
處快躋攀

既雨晴亦佳

得佳字

一雨晴仍好脉徵協

素階無私膏既渥有耀景偏佳山遠青如滌陂深綠若
揩濃添嘉樹蔭新入嫩苗懷芳草蘇三徑香塵輒
六街屐融泥滑滑簣潤鳥啾啾早課千畦憤憑聽
兩部蛙豐年從應兆調化

聖功諧

風簾入雙燕

得雙字

十二湘簾揭因風動綺窗睇巢來乙乙入幕恰雙
雙紫領攜新侶烏衣認舊邦齊飛如有約交語自
成腔捲喜窺時並輕偕受處降儻穿鉤下上相觸
玉琤琮闥翦鴛鴦幔庭翻翡翠幢翩然同出戶掠
雨問蘭茝

紫燕光陸離

得光字

是馬翻名燕游春爛寶光陸離方耀紫蹴踏卽飛
黃颯爾錢編埒翩然玉作裝桃花雙翦映柳絮一
鞭長絡想搖金勒泥還疊錦障尾脩風半捲鬣舞

日初陽地訝烏衣近人知赤汗良驥材呈

聖世

天路效騰驤

天路欲飛聲

得良字

道遠能知驥飛聲銳莫當朝天欣有路行地本無
疆紫塞程全迴青雲首一昂颿颿新逐電蹏健舊
驕霜壯志輕千里知心付九方高非誇足捷策不
待鞭長顧矣羣空樂驅之御慕良道亨宏

聖化賞識外驪黃

天際識歸舟

得訛字

縹緲空江外歸舟認未訛高秋初返棹別浦不生
波帆擁鄉心接檣懸客夢多數行輕帖鷁幾點細
浮螺欄倚神凝久洲迴影去俄船疑天上坐人在
日邊過滿眼登樓興中流鼓枻歌宣城遙望處小
謝尙吟哦

雷聲忽送千峰雨

得雷字

望澤情方切崇朝宿靄催排峰初送雨奮地已轟
雷殷記南山在涼光北牖閒數聲聽格拍一氣走
喧厓急溜迎崖放微波捲箔來暖披雙岸柳肥潏
小園梅雲已占孚若風還賦快哉渙號

宸貺洽灑潤徧京垓

小欄花韻午晴初

得欄字

釀得花如許
繽紛亞小欄
幾枝晴更韻
一院雨初乾
活色渾含潤
芳心未怯寒
嫩沾香粉溼
鮮稱露珠團
送綠搖風檻
分紅上日竿
階痕徐映藥
砌影近依蘭
得意觴堪酌
傳神畫亦難
司空吟詠處
指點座中看

山雨欲來風滿樓

得風字

忽訝豐隆起
山前望雨同
巖懸遙送日
樓聳恰當風
勢撼層檐動
聲兼萬壑雄
金蛇催閃灼
鐵馬競

丁東蒜起簾翻碧花飛檻舞紅溪流聽漸遠雲氣
黯相通瀑捲諸峰外秋喧一笛中惟應丁卯客敲
帽寫詩筒

學者心之白日

得心字

考古稽中論言垂勸學箴青雲知有路白日揭其
心道本秋陽暴功先午夜深披霄塵翳豁窺牖慧
珠尋膏許延長晷人惟惜寸陰生明開意象羅宿
朗胸襟四照關神悟重光協

知臨緝熙歸

念典瞻就萬方欽

翰林爲主人

得林字

一望卿非客詞壇歲月深敦槃原有主翰墨此爲
林涉豈虞吾地清非闕爾音聲華

雙闕近冠蓋五雲臨藝苑橫經地翹材報

國心斯文推大雅前輩擅高吟花影

金坡密

恩光玉樹森長楊卑漢賦

盛世集華簪

星使出詞曹

得星字

帝簡仙曹籍人占柱史星使軺初出省詞句早書屏遠

隊雙旌導前程四牡經紫垣崇地望

丹詔稟

天庭才擬長庚白光分太乙青福暉歌一路清職重三
廳卿月懸依旆民風貢入

廷文章期報

國衣上

御爐馨

舒文廣國華

得華字

黼藻舒

鴻業延年麗句誇文章期報

國著作自成家就日依

三殿裁雲認五花繪摹

天景象厝載

帝光華製協觀成化亨昭禮會嘉斑非窺半管飾已戒

虛車炳也

功彌著巍乎

澤靡涯

宸編奎閣煥昭景蔚晨霞

陳詩觀民風

得民字

知依廕

陶文毅公全集

卷六十四

詩集

垂

聖念設教在觀民

治仰其風上詩看此日陳新詞前席誦古俗下車詢腹
誅心歌日耕田鑿井人儉勤聽蟋蟀忠厚溯睢麟
壤擊聲諧鼓堂躋

壽祝幽有才皆應雅所樂盡登春匝宇熙

醲化廣颺拜

紫宸

其二

宣風昭

鄧治

聖主切觀民美俗萌櫓驗新詩

黼座陳諺方聽有夏臺自樂登春蟋蟀情斯古睢麟意
自淳拜颺

天子命歌詠太平人令擬書懸魏圖還句繪幽和聲諧
葦箭雅韻達

楓宸八寓臚歡日康衢蹈舞頻

精理亦道心

得精字

淑貺酬光祿徵心道趣呈有爲觀厥微於理極其
精金玉音非闕圭璋德自貞鳶飛涵大化雌守悟
無名學待光明續功資砥礪成花風生滿座鏡月

寫雙清妙可通

宸綽誠原愜

聖情

齋宮欽致肅

觀薦仰孚盈

名實久相賓

得江字

積久詩言志相賓句憶江循名歸踐履務實息紛

哢摘豔華徒擅飛蓬氣早降至人惟抱一國士必

無雙戒凜虛車飾情嗤履鼎扛魚珠慙蜚客鼠璞

笑周邦尾附青雲路聲高白雪腔觀

光占利用

聖治洽敦龐

良田無晚歲

得田字

爲問膏腴產何曾類石田
幾人同望歲此地早逢
年自爲施功異由來得氣先
秋催平麥始香老耨
籬前脈土膏真渥纈金候不愆
滿篝看陌外冒櫟
記春邊熟矣仁斯在耕之禮亦然
德修徵報美方
穀仰

成全

平秩東作

得東字

率作殷民事分官紀宅東持平仁以育有秩政斯
通氣向扶桑驗情因播穀同書元崇首德象蠢闢
中宮及此春生候無忘日出功一犁扶處雨八輩
浴餘風獻歲先開泰占年早報豐始和懸象魏

聖制啟延洪

東風解凍

得東字

宿凍逢春解新韶鬯曉風暖回陽欲上暄負日初
東綫旋微和扇連朝積霽融瓊樓寒乍散銀海氣
潛通皺認波心圻堅應澤腹空花催猶冉冉冰鑿
已沖沖漲暖遙浮鴨泥香舊印鴻登臺敷

聖化入律叶吹簫

春風風人

得春字

懷中風自暖臺上衆皆春大惠非私物微和自風
人穆如宣茂氣善也妙天真動協予從欲揚宜物
奉仁八方游正好一月坐彌親德本從箕好功還
象巽申薰侔絃撫舜膏比澤歌郇語治齊卿著

熙時化更神

春風鼓俗

得調字

養化歸

宸綽修和

陶文毅公全集

卷六十四 詩集

七

上理昭風行春盎盎俗鼓

德姚姚煦物原從律蜚聲儼過簫無私宣橐籥有氣應
鈞韶令布書懸魏詩陳史策輅奉揚宜此日綏動
在崇朝極協光依宇星從色潤霄登臺熙

聖治吹萬仰均調

元鳥司分

得分字

元鳥官名古言徵鄰子云將翔時際仲以正令司
分共有高翔契居然汝翼勤歸期占柞柘來路記
榆枌班想諧鷺序飛還代雁羣舞時卿省月翦處
史書雲籌報雞人曉春催扈氏耘何如阿閣鳳覽

德應

堯文

魚陟負冰

得冰字

撥刺魚跳處沿河始泮冰陟當春水合負異雪山
憑豈有歐之出欣然躍以升髻揚心自健背受力
猶能玉溜初消尺銀花欲透層衝波前渡近跋浪
舊時曾杜訝鼇同戴門邀鯉共登三篙新漲後燒
尾更飛騰

花濃雪聚

得濃字

馬射華林日名花分外濃春宜園角聚路訝雪邊

逢塵輭紅初落枝高白尚封香搖晴絮滿珊對暮
雲重啁已開銀雀游疑戲玉龍風光吹不落山意
記曾衝徑糝應滋麥山明恰望松陽和晞

聖澤

茂對洽時雍

新萍泛沚

得新字

景物重三紀青萍發令辰約會池上滿泛恰沚邊
新幾日桃花水前番柳絮身嫩浮波泛泛輕帖沼
鱗鱗葉小星初聚姿清雨乍勻相逢南澗客爲話
曲江春影襯魚兒鬪香飄燕子塵

恩光涵

太液蔥蒨繞

龍津

春風新長紫蘭芽

得春字

快聽番風報叢蘭馥好春氣從青律應香撲紫芽
新翻郁生機綻吹噓厚澤勻陳根抽謝砌古色認
湘濱信驗催花後芳宜拾翠人藝時同樹蕙采處
記披榛桂樹栽宜早桐孫茁共珍升庭彰

國瑞擢秀及佳辰

野含時雨潤

得含字

日肅

宸衷應

醲膏四野覃及時施正普分潤澤猶含翠漬千村遠芳
浮一色酣濃將花霧合輒不麴塵參水氣迎新綠
天光接蔚藍影還敲筠笠涼欲上筠籃望去雲應
溼滋來稼作甘

省耕迴

御輅

茂對協登三

雨添山翠重

得添字

望裏山痕重層層翠暗添遙和煙杳靄初過雨廉
纖嶺外雲猶溼巖邊樹欲黏嵐光浮眼界秀色畫
眉尖笏拄青橫几窗開綠上簾螺鬟堆簇簇鳩語
答簷簷密有游絲颺清宜爽氣兼蓬壺涵

渥澤淑景繪重檐

來降燕乃睇

得來字

東風吹社燕繞院自徘徊豈是從天降端因度地
來紅翻雙翅落碧翦兩瞳開故壘辛勤覓雕梁子
細猜香泥猶曳柳花路早芽梅賀廈思前度窺簾
識此回計如謀小築候恰祀高禰得氣先禽鳥熙

春仰

帝臺

執陟攻駒

得攻字

落齒駒猶穉香輪此日攻乍教離去母已可服于
公弱豈稱其力馴宜奏汝功一鞭花外雨雙鞚柳
邊風棧別成文後塵生步武中馳驅從我範顧盼
爲君雄不比豚追放如占牯用童呈材逢

聖世率驥有良工

垂雲助麥涼

得涼字

巡原迴

玉趾迎

輦麥初黃人喜瞻

雲近天教入夏涼助宜青晝曉垂覺碧陰長隴首秋先到
花心露共香淡仍浮秀色暖不礙朝陽釀冷非紅雨分寒
到綠楊揮絃虞解愠栖畝禹餘糧

馨薦嘗新近還承

帝曠光

紫櫻桃熟麥風涼

得和字

纔報風催暑郊原景物和熟垂桃實早涼入麥畦
多枝老紅初綻晴平翠欲拖煙痕疑的的晨氣漾

羅羅露重珠翻葉雲飄浪捲窩雛應聞雛隴舍已
趁鶯梭小摘廚交筍初耘野美禾

巡原

宸什富六一句堪哦

近山薙麥早

得山字

得氣薙貽早田家近好山秋先紅稻外香到白雲
間浪捲畦應溼嵐浮路若環綻黃連杳靄搖綠上
屏顏帶雨晨尤潤烘霞晚共殷垂芒巖确犂催獲
鳥絲蠻午午峰添翠庚庚石映斑豫游

宸詠愜傍

輦畫圖閒

櫻筍廚

得廚字

櫻筍傳佳話唐廷舊啟廚大官分美饌初夏集芳
腴顚顚金九重條條玉版輸露垂紅泛肉雲剝綠
鬆膚盤走珠光脆香挑粉籜濡煙痕分北館風味
憶西都婪尾花方謝遨頭宴共娛野萃欣拜

賜樽飲徧

堯衢

首夏猶清和

得清字

良游懷赤石佳節紀長贏和得風之正時如聖者

常雩近

心齋愜

帝情

梅炎藻夏得梅字

聽得江城曲花飛又熟梅滿林添藻采此候卽恢
台氣欲迎風發香曾冒雪開綻黃疑火齊堆紫上
玫瑰蒸處雲猶繞肥時雨正催豔同榴照眼秋已

麥含胎景合唐宗寫書憑驛使同薰琴張

帝陞萬景仰

栽培

平秩南訛

得南字

夏假時爲化災官正宅南應平衡可執有秩祐斯
參測火中星準乘離養日涵麥雲收處徧梅雨望
來酣水滿都摩屈風香早熟蠶犢邊人戴笠鷺外
婦攜籃癸合符書六庚還伏報三

帝階絃阜物茂氣萬方覃

其數七

得其字

火德成於七恢台夏令宜應期言假也舉數可書
其二五精斯合重三抆有奇正中杓揭斗偏右範
陳箕環軌馳義馭條絃補舜絲麥韞雖燕外桑蔭
子鳩時畫卦山占艮齊璣宅卜離

聖猷欽襲六平秩協南爲

四月秀蓂

得蓂字

入夏誰先熟幽詩物候昭不榮偏有實日秀此爲
蓂梅雨催前日薰風度幾朝懸疑櫻灼灼吹比棘
天天氣爲純陽結名將遠志標苦心蔬共卷寒節
菜曾挑釋草宜稱繞分秧恰耨苗收成占上瑞

聖化仰鈞調

五月鳴蜩

得蜩字

入耳庚初報鳴催
嘒嘒蜩數聲聽欲沸
五月暑先調柳外風徐度
槐邊雨乍消嘶來叢綠院
曳過小紅橋別調分孤磬
新絃引六么撥非承拘丈響
自答山樵木古心曾抱林深韻不囂
采文知可借上苑足長條

山雜夏雲多

得山字

不辨龍嵒勢雲深忽露山
幾多看雜沓無數繞房顏
奇擁青千疊濃窺黛一斑
空濛橫絕徑縹緲認

靈關墨潑森排笏
塗遠插鬟午風吹鬢
鬚子雨漾嫋嫋此
境胸能盪前程手共
攀襄陽佳句在指
點畫圖間

蘭池清夏氣

得清字

何處涼堪納池頭淺
煥迎幾叢蘭始發一
帶氣俱清檻外雲長
在亭邊暑不生芳香
寒有韻流水細無聲
爽稱披襟意秋含作
佩情微風吹淅淅疏
露盈淡對荷花遠修
兼竹影橫

恩光涵

太液嘉卉蔚初庚

甘雨爲醴泉

得甘字

十日醴醕雨滋生若醴含渾疑天酒降妙與地泉
甘滴本翻瓢下源宜瀉玉探氣蒸雲早釀煙活樹
尤酣液向情田灌香從福海涵春心斟盎盎和意
飲醕醕神漢流無盡衢尊酌自堪

聖徵符曰肅如膏萬方覃

夏雨生衆綠

得生字

入望皆蔥蒨無邊嫩綠生滿林春乍餞昨日雨初
晴活翠連空清新香夾徑盈柳煙千樹密秧水一
犁平溼訝枝方濯濃看幄漸成鴨頭新漲合螺髻

遠山橫結隊人調馬攜柑客聽鶯昭蘇凝

聖澤品物協咸亨

深柳讀書堂

得深字

柳色濃於黛書堂結構深六時塵不到一院樹皆
陰插架繙來潤交柯盼處森簾搖風漠漠窗度月
沈沈地想通槐市鄰還近竹林絮飛春撲硯花落
夜調琴問字來新雨開函得古心好將山海注繞
屋自長吟

荷芰水亭開

得荷字

聽報圓英發池亭足芰荷四圍香不斷十里豔如

何翠射湖邊舫涼生雨後波欄橫丁字近花放午
時多倚檻神俱爽披襟氣自和無風猶激灩此日
足婆娑紅隱菱三角青交柳一窩藕絲同雪後又
聽采蓮歌

黍稷盈原疇

得盈字

佳景吟王粲年祥報順成黍登穽止滿稷熟野俱
盈有穀農胥慶方華客記程種原抽棘藝穆想築
場平雨氣芄芃應風光翼翼迎南陔笙簧籥右社
禮同行攸介昭釐集惟馨表德明

巡原迴

御輅

茂對愜

宸情

螢火不溫風

得流字

一夕金風發清商欲變秋光還飛熠燿氣不煖
颼颼入幕餘輝朗開囊溽暑收樹閒聲宛在草際影
空浮點露衣猶溼騰星火共流菱花憑散彩梧葉
自添幽渾覺元蟬冷偏宜白鳥羞

宸章徵體物貞觀句應酬

疏雨滴梧桐

得然字

傾耳梧桐上蕭疏夜雨連三更聽未斷一葉信初
傳響澈冬丁際聲來屈戌邊寒兼風瑟瑟清共露
娟娟細點驚么鳳微嘶溼暮蟬秋生高樹外人坐
早涼天舊恨吟何遜新詩賦浩然惟應萋萋日百
尺自淩煙

黃花晚節香

得香字

莫道金風肅名葩晚正黃種栽三徑舊秋到一庭
香蕊綻猶含露心貞不受霜古芬空百卉老氣滿
重陽簾外人應瘦籬邊地未荒淡惟鄰竹士豔早
薄花王秉節難諧俗延年別有方好和天酒釀

萬歲上

堯觴

雁陣驚寒

得寒字

忽訝秋將老
遙空雁路漫
陣排天外
肅聲到座中
寒結隊霜初
厲聯行月未
殘蘋花雙渚
白楓葉一江
丹刀剪摩霄
出風雲接地
看鴛鴦連隊
伍雕鷲極扶
搏弋本銜蘆
避書應草檄
完滕王高閣
上文戰興方
闢

廳館輕霜拂曙袍

得豪字

攬勝來廳館
登臨九日豪
拂霜宜遠目
乘曙挈分

曹地迴坊吹帽天涼快擁袍望疑人送酒綰稱客
題餽玉點猶沾袂銀光欲放毫衣同千仞振秋在
一山高黃佩方傳費花餐事憶騷吟懷追小宋得
句首重搔

小陽春

得陽字

布朔冬方始調辰候最良也知春有信莫道月無
陽小透東君意遙懸北陸光花催林外雪草拂曙
前霜室煖人煨燂禾登戶滌場村歌喧蜡虎鬪酒
熟羔羊消息衝梅早平安報竹忙茅檐欣就

日更祝

壽無疆

孟冬頒朔

得頒字

帝統規三正

宸猷被九寰萬年

皇朔稟十月憲書頒制自天官秉文原太史嫻析因參
節候興作惠田閒義宅期無爽鄒談語悉刪典真
懸象魏旅其肅鴛班齊七衡調玉呼三祝應山無
疆方獻

壽

舜日豁天關

其數六 得冬字

紀數成於六凝辰序入冬旋宮看律應布卦想爻
重此候陰原老其開氣始鍾府修徵禹範禋肅達
虞宗筭積衡平燕時乘

帝御龍吹憑葭管動出訝雪花濃用本坤貞協符欣

泰運逢幕調欽

聖治負曝樂雍容

律中應鍾 得鍾字

吹銅宣玉律占候紀初冬陰極方言應陽潛是日
鍾收藏根已固鬱勃氣全封姑洗前番驗裝寶此

後從瑄詣筠六閒縱佇幕三重鳴馬宮纔換調風
羽恰逢纏應居析木嶺正秀孤松

頒朔欽

宸制時和

聖化醴

十月隕璚 得冬字

木落開村景吹幽候入冬徑深黃葉滿秋老白雲
封別澗寒生骨前山翠斂容風邊聲宛在霜外影
偏重溼欲驚殘雨疏疑落晚鐘人煙沈古屋畫意
淡遙峰倦課家僮帶閒支野客筇惟應蕭瑟際高

嶺蔚長松

宵爾索綯

得宵字

綯索功方亟吹幽候正調綯繆乘老屋結構趁良
宵製想編茅穩謀先徹土邀分條同織柳比舍本
團蕉堦冷殘爐設松明短炬燒響添機軋軋計切
室翹翹人語疏鐘應更聲曉漏遙民依廬

問夜

聖澤逮芻蕘

朋酒斯饗

得朋字

息饗逢嘉歲吹幽禮亟乘勞來觀黨正洗腆會鄉

朋黍稷新醪熟粉榆舊俗仍兩樽陳衍樂四座話
豐登宴比延三老人如合八能松陰扶醉杖茆屋
引歸燈齋舉初行蜡堂躋大飲烝無疆歌

曼壽而字兕觥稱

請准北建立專祠並祀名宦祠摺子

蠶眉江總督管糧鹽務臣陳鑾跪

奏爲淮北海州紳士人等請以故督臣陶澍入祀名

宦並建專祠據情代陳仰祈

聖鑒事竊查前督臣陶澍病故仰蒙

皇上軫念勤勞

恩加贈卹旣邀易名

盛典復

命入祀賢良

恩禮優隆實所罕觀不特陶澍哀榮備至銜結九原卽

凡在臣民亦莫不觀感興起有發於情不自己者
茲據淮北海州紳士許喬林等局商王恒源等稟
販場騰等聯名赴臣衙門呈稱淮北僻處一隅離
行皖豫兩省自運道迂阻改捆費繁以致商力大
絀民食維艱淮民困苦已甚自道光十二年間兩
江總督陶澍親至海州覽場竈之情形與官私之
道路力主更張不惑浮議於是改道裁費歸局除
弊防梟侵擾添設卡巡從此商販雲趨爭先恐後
場鹽山積數月全清改行四十二州縣私化官而
梟化良

奏銷四百餘萬金下利民而上利

國又設立義倉書院兼疏水利場河計自試行八載
以來全活生靈百萬凡益上益下之成效皆實心
實力所講求澤沛三江淮民尤爲戴德援案呈請
據情上達入祀本學名宦並於海州板浦鎮地方
建立專祠永申報祀以垂久遠等情具呈前來

臣

查道光四年據清河縣紳耆丁如玉等呈請南河
故督

臣

黎世序入祀清河縣名宦並建專祠一案

經前督

臣

孫玉庭等

奏奉

上諭孫玉庭等奏地方紳耆以原任河督入祀名宦並
建專祠一摺黎世序前在江南河道總督任內宣防
盡力遺愛在民除入祀名宦循例具題外著准該紳
耆等捐建專祠以順輿情而彰勲績欽此欽遵在案
今故督臣陶澍於淮北艱務疲敝極困之際屏除
浮議創設票法變私鹽爲官引化梟匪爲善良從
此

國課充足民生樂利而且興復水利培植學校裨益
宏多輿論允洽該紳士等請以專祠修祀羣情踴
躍臣覆加訪察實出至誠不敢壅於

上聞除入祀名宦應由地方官開造事實清冊循例詳
題辦理外所有淮北海州紳士欲建專祠之處合
無仰懇

聖恩俯允所請擇地建立俾昭感慕而申誠悃洵足爲

遺愛在民之勸謹會同署江蘇巡撫

臣

裕謙江蘇

學政

臣

祁寯藻合詞恭摺具

奏伏乞

皇上聖鑒謹

奏

行狀

皇清誥授榮祿大夫太子少保

晉贈太子太保

敕祀賢良祠兵部尙書兼都察院右都御史江南江西

總督管理鹽政諡文毅陶公行狀

曾祖崇雅曾祖妣彭氏

祖孝信祖妣李氏

考必銓廩膳生以名德入祀鄉賢祠妣黃氏繼母

張氏三代皆

誥贈榮祿大夫兵部尙書兼都察院右都御史江南江

西總督妣皆

誥贈一品夫人

公諱澍字子霖號雲汀湖南長沙府安化縣人系
出晉大司馬桓公侃侃就封長沙子孫散處吳楚
後唐同光元年有諱昇者由吉州遷安化支族蕃
衍十五傳至 公之考 鄉賢公生子二 公其
長也少從 鄉賢公讀書資江濱之水月庵庵俯
石門潭兩崖壁立有方石峙出江心 公所署印
心石屋也 公少穎異浩歌山水間下筆驚人
鄉賢公以此忘其貧乾隆五十五年丁 黃太夫

人憂六十年補邑諸生嘉慶五年中鄉試七年成進士改翰林院庶吉士十年散館授編修尋聞

鄉賢公訃歸里服闋入都十五年充四川鄉試副考官十九年改江南道監察御史充會試同考官巡視中城二十年轉掌陝西道擢戶科給事中巡視淮安漕務二十一年充順天鄉試內監試官授吏科掌印給事中二十二年充會試內監試官二十三年巡視東城二十四年授四川川東兵備道公少負經世志尤邃史志輿地之學所至山川必登覽形勢訪察利病典試四川著蜀輶日記西

南要害如指諸掌及爲言官劾部員戀棧忘親及吏部重籤河工冒濫外省吏治積弊又條陳三急五宜以靖匪徒屢稱

旨巡視中城半載斷八百餘案及巡淮安漕務盡革陋規奏籌京口運河其冬漕艘阻冰高郵禱於露筋祠一夕凍解

奏膺

封祀人尤神之兵備川東相傳道署不利於官前後無人居者公獨居之無恙傳訛遂息兵備駐札重慶扼大江之衝估舶鱗集私梟出沒獷悍繁劇號

稱難治 公日坐堂皇視事有訴立訊剖決如流
數月滯訟一空又禁胥役之擾累飭行旅之宵柝
巴達各縣賑飢聚衆難散 公令先給半月糧散
遣立盡私鹽橫行沿江千百成羣當事議令營汛
開銃擊遏 公謂是必激變請減價敵私計減四
分之一居民盡食官鹽私販遂絕數郡安堵而商
銷亦倍額未期年政聲大著二十五年

今上登極四川總督蔣公

攸銘奉

召入京

奏 公治行爲四川第一堪勝大任是冬卽擢山西

按察使闔郡士民攀轅祖餞夾江兩岸十餘里不絕至京

召見三次

欽交三案令赴任審辦是爲公受

上知大用之始道光元年三月至任兼署布政使每有京控多直交臬司不由巡撫前此未有也九月調福建按察使至京擢安徽布政使安徽錢糧虧空輾轉凡歷五次清查皆不實不盡前任巡撫李公鴻賓復奏明設局清查公治絲理勞鉤稽一載甫有端緒而三年正月奉擢巡撫之

命督飭益力分別應參應補應豁於是三十年庫款之
糾結豁然一清以爲吏治綿悞由於賠累牽掣不
克自拔故清查後奏定章程十條嚴交代禁流攤
裁捐款俾官得自立專力治民而吏治日起太平
寧國旌德三縣不通水道漕米例由民折官辦乃
奏仿江蘇嘉定等縣例由司庫領銀採辦立限徵還
以杜借墊之弊是年江水大漲瀕江三十餘州縣
隄圩皆破田廬蕩沒 公乘舟徧勘而以蕪湖爲
總匯羽檄交馳寢食俱廢委員分赴上游買米十
萬石勸捐數十萬金區處條畫纖悉周至流移老

疾孩稚者皆有所養矜殍者有所瘞民不知災燕
湖紳士建旬宣康保之坊明年宿州懷遠大蝗
公率屬虔禱於省城劉猛將軍廟未幾宿州報青
龍無數懷遠報烏鵲無數一日食蝗殆盡

奏

聞特頒

御書神參秉畀之額

公以水災旣

退水利宜興親登塗山八公山絕頂以覽全淮形
勢兼勘壽州之芍陂城西湖懷遠縣之郭塘陂荆

山口鳳陽縣之花源湖鳳臺縣之蕪岡湖以及潁
江各圩垸隄壩次第籌濬又以備荒宜豫而社倉
春借秋還積弊已久惟有每鄉每村設倉於秋收
後量力各捐不經吏役不減糴不出易不借貸歛
歲卽全散之樂歲再捐以數歲救一歲之荒名曰
豐備倉

奏定章程十條行之購繳鳳潁刀械以靖鬪殺之源
裁汰亳州里書以杜催科之弊旌表忠烈上及元
明以敦風俗創修省志以備文獻掌故盡心教養
者如此其後復於江蘇仿捐豐備倉穀各數萬石

嚴懲邳徐海屬帶刀之風按查糧艘水手槍械之禁又陽湖武進上元等縣以一次而

題旌節孝三千餘人或五百餘人創建總坊皆治皖之政所推廣也五年夏江蘇河淮交病漕運中阻協辦大學士英公奏籌海運及折漕之策遷延半載終無成議

詔移

公撫江蘇與兩江總督琦公

善

會議

公奏言

海運雖屬創行海船實所熟習目前籌運急策無踰於此惟折漕變價數百萬勢必銀涸貴而穀賤賤恐官民交困來年當以河海並運爲宜以蘇松

常鎮太倉之漕百六十萬石歸海運其江廣之漕
仍由河運遂親赴上海籌商船訪道路定價值六
年春海舶雲集復親往彈壓重申約束號令嚴明
各州縣之米銜尾魚貫以次驗兌並檄崇明狼山
與山東登萊諸鎮總兵會哨海口以壯聲威初運
百餘萬石次運六十餘萬石由吳淞口出崇明十
激轉成山入直沽口水程四千餘里皆旬月直抵
天津不損一船

上命重臣尙書穆公

彰阿

赴驗米色率瑩潔過河運數

倍海商運漕而北載豆而南兩次得價且由部發

帑收買海船耗米十餘萬石其出力之商優給頂戴皆踴躍過望先後共用銀百餘萬兩不請一帑而漕項銀米自解津應用及調劑旗丁外尙節省銀米各十餘萬其海關免稅不過萬餘視河運又省費過倍奉

旨以 公親駐督辦深協機宜

賞孔雀翎蓋

國家承平二百載自康熙開海禁以來商船往還關東天津習以爲常凡駕駛之技趨向之方靡不漸推漸準愈久愈精而春夏東南風順於漕運北上

尤利且無開河冗費倉胥勒索故費半而功倍明年公復與總督蔣公陳海運章程八條又議復尙書穆公海運事宜五條欲以永甦三吳之漕困會議中止而未竟也自道光三年以來吳中連歲告潦由太湖入海之路不暢吳淞黃浦瀏河卽禹貢三江遺跡自黃浦奪溜而吳淞中幹日微瀏河則幾全淤是以水無所泄當事屢議修濬不果其言治吳淞者又專以建閘禦潮爲首務公奏言治水宜扼其要欲舉全省之漕浦港汊一一排之浚之不但無此工力且太湖來源有限一泄無餘

亦非所以兼蓄泄防旱澇之計其弊一由民田爭
佔致隘江流一由多開有汊致分正溜至於吳淞
建閘啟閉欲以抵禦潮汐不知長江大河天所以
吞吐陰陽之氣非如無源港汊可扼其吭而節制
之也海潮旣能挾沙而來卽能刷沙而去黃浦從
來無閘而海潮鼓盪江面闊深今日治水以吳淞
爲最要治吳淞以通海口爲最要請以海運節省
漕項二十餘萬兩興工得

旨允行於是相度地勢徑其紆曲八年三月竣工海潮
直過崑山而西水深二丈以外其攔潮大壩內外

刮刷淤泥立盡 公賦放水長歌吳中紳士和者數百 公復請借帶徵緩漕十餘萬石變價爲濬瀏河之用部議未允及遷總督復與巡撫林公則徐奏言瀏河與吳淞分流東達太倉爲元時海運出口之路其分支爲白茆受常州諸水由常熟昭文入海近皆淤塞不通關數州縣田賦之命惟二河尾閭皆有攔沙高仰內水低平與吳淞地勢懸殊若開通海口則潮沙必致倒灌

本朝大濬幾次皆旋即淤塞莫若挑成清水長河工省而利久其海口各建石壩多置涵洞平時築閉

以禦渾潮潦時放水歸海共估濶河工十六萬餘兩借

帑攤徵白茆工十一萬兩官民捐辦十四年五月工竣公與林公分路驗收父老夾岸歡迎咸言百餘年來所未有論者謂吳中近年水潦頻告幸免沈災者皆吳淞宣泄之力及是年太湖蛟水陡漲急檄太倉鎮洋盡啟濶河白茆海口各壩不三日水消數尺歲仍豐收蓋自前明夏忠靖周文襄海忠介

後修舉水利之效未有如公者

吳中運道莫要於徒陽運河而練湖爲其上游孟
瀆則其旁支 公自巡漕時卽已條奏利害及撫
江蘇益事講求於六年大挑時首將豬婆灘之古
淺展寬浚深以除漕艘咽喉之梗惟運河全藉江
潮灌注而地勢陡溜水去沙畱冬月潮枯運艘尤
滯練湖上起丹徒下抵丹陽周圍百餘里古稱放
湖水一寸卽爲運河一尺近年上練湖已改田升
科僅存下練湖四十里淺涸不復濟運 公勘知
練湖居高臨下止須堰蓄無煩疏浚遇冬月需水
時堅閉運河下游呂城各閘使水無所泄則但決

湖水亦足以助潮灌運惟兩湖地勢相平下湖蓄至七八尺則上湖田亦淹至二三尺故上湖居民遇春夏水漲輒決開放水不待秋冬而已涸於是籌款二萬金先復黃金一閘爲練湖閘鍵並改建丹陽運河之黃泥閘以蓄全湖之水而運河之上游治矣其常州孟瀆河旱則引江潮以灌田潦則宣洩入江每遇運河冬月築壩挑濬時尤爲商船出入要路與附近之德勝澡港二河均久淤廢公前請緩漕餘米十餘萬石截畱變價爲濶河孟瀆工程至是先挑孟瀆而雨雪不時淤沙屢積迨

十三年冬始竣而運河之下游亦治矣明代漕艘由
孟瀆河逆江而上以至瓜洲原不專出京口而丹
徒之橫閘越閘皆可出江較孟河近十之八議者
止以焦山下石礁爲疑不知兩岸皆有緯道惟象
山巖腳里許風順一帆可過八年冬糧艘回空京
口潮枯難濟 公先令江船引導飭松江幫數十
艘沿京口南岸入閘復飭浙江幫千餘艘由北岸
對渡入閘連檣安渡掃數歸次遂開運河之捷徑
十年秋捕獲戶部假照要犯任開宇劉東昇解京
詔加太子少保銜尋署理兩江總督是年十月實授

公之受總督事也值私梟黃玉林伏法前督臣大學士蔣公及鹽政運司皆獲譴

天子廑念淮漕

欽差戶部尚書王公

鼎

侍郎寶公

興

赴兩淮會籌改法

爲課歸場竈之計

公奏言兩淮歲徵正雜課及

帑利銀共四百餘萬兩繁重甲天下近年以來侵

虧那墊積欠如山勢已窮而無所復之今議者言

改法有三一竈丁起科一垣商納課一場官收稅

皆有散而難稽之勢且試行之初清竈招商改官

變法非一二年規模不能粗定額課民食豈能懸

待

國家鹽法本來美備止因事久弊生有名無實非法
病人人自廢法今惟有申明舊章大加釐剔則除
弊卽所以興利因奏章程十有五條而

欽差復密請裁鹽政歸總督管理以一事權 公於是
專心壹力釐除積弊其大端著有成效者四一曰
裁浮費以輕成本兩淮鹽務自正課外有揚商之
公費岸商之匣費公費舊定七十萬兩外總商復
浮用數十萬兩匣費則湖廣漢岸每引徵至一兩
二錢亦百餘萬兩二項已與正額相埒又有根窩

每引價銀一兩按全引亦須百餘萬兩其利皆不
歸於納課行鹽之商故成本日重 公奏請裁定
公費匣費每引止徵四錢揚州每年開支三十萬
湖廣江西亦委員查汰革去總埠共裁公費岸費
百有十餘萬兩而窩價每引給一錢二分亦省費
百四十餘萬兩嗣因湖廣支用浮濫

奏請提質而 公復裁鹽政衙門陋規十六萬餘兩
並繳還鹽政養廉銀五千兩端本澄源浮冒胥絕
二曰慎出納以重庫款鹽課入庫從前不分正雜
遇有緊解百計那應始則以帑本抵額課迨帑本

罄則令商豫納減納而以豫給印本抵課迨商墊
復窮則又令其以印本帖息質貸而以減帖額數
攤於後數綱輾轉葛藤莫可究詰又有總商管庫
不行鹽而專領費甚至報効皆出庫墊冒支從不
報銷 公奏分二庫以正項貯內庫專候部撥以
雜項貯外庫不許以正項那墊革去總商管庫以
杜侵漁永禁印本減帖以截虛抵俾勿貽後患三
曰嚴糧私船私以清綱銷向日糧艘回空夾帶蘆
私每占正綱三月額銷 公分派弁兵力行稽查
自入境渡黃渡淮過關層層接查令行禁止十三

年漕督

奏請漕舟許帶蘆鹽仍完淮課以劑窮丁御史亦以爲言 公三奏駁之謂不但病鹺亦且滯漕堅持定議蘆私遂絕至儀徵江船裝載商鹽重斤夾帶虛報淹消借官行私尤爲腹心之患 公令計船裝鹽不留空艙實發水腳毋許剋扣嚴查水程銷數有準而江船之私亦絕又力主散輪隨到隨售而久滯報淹之弊亦少四曰革五壩十損以省淮北北鹽十載無課徧地皆私店閉商逃岸懸引緇皆由運道迂而成本重 公始則試行官運繼則

決計改票遂創改道不改拙之計定歸局不歸場
之制減稅裁費招商請票不數月商販輻輳場鹽
一空數載以來

奏銷數百萬兩皆一年行兩綱之鹽盡完從前之帶
殘且劑淮南之懸引易簡嚴密化私爲官皆從來
所未有也 公未受任以前淮南以十載而行六
綱淮北以十載而行三綱其每年

奏銷報解之銀一則全虧

帑本七百餘萬而以

帑利貽患後來納課之商一則設立豫納減納帖息

名色寅支卯糧以數十年後之課豫虧之於數十年之前以致舊商累創新商裹足及至道光八年十年間則已無可那墊無可借貸遇報解則庫如懸罄遇開綱則止收空本 公承極弊之後自道光十一年辛卯開綱至戊戌卸任兩淮八載完正雜銀二千六百四十餘萬兩而在岸緩納之課尙不在其內從無銃綱借帑之事庫貯常實存三百餘萬兩幾於年清年款惟帶銷辛卯以前滯鹽殘引一百三十餘萬又帶徵還未銷印本積欠蕩價銃引殘課三百數十萬皆以今日代償前人之欠

其占一綱引課之正額加以引地寥闊鄰私四侵
事權非盡兩江所轄而銀價日昂售課勢難再賤
價不減則不能敵私而緩納之課與積壓之引不
能暢速提行故商力不無前卻幸近年兩湖總督
林公則徐周公天爵相繼整飭漢岸銷數漸有起
色而公則已病矣公自任督撫以來如漕務之
創海運三江三修水利淮南之裁浮費截糧私淮北
之裁廟楨改票稅皆恒情所動色相戒公奮不顧
身力排羣議卒能創始善終可大可大而海運票鹽
尤百世之利後之籌國者必將取法焉皆由

聖天子明日達聰任賢無貳每述職入

覲

召見十餘次造膝密陳言無不盡十二年捕獲梟匪巨

案奉

殊諭卿爲幹國良臣卽朕亦獲知人善任之名十四年

京察則有辦事實心離務亦有起色之

諭十七年

京察則有任事勇敢之

諭及本年二月告病奉

上諭兩江總督陶澍勇於任事不避嫌怨上年染患手

足接弛之證疊經賞假俾得安心調理冀可速痊本
日復奏辦公竭蹶籲請開缺察其情詞懇切朕亦祇
得勉從所請准其開缺調理一俟痊愈卽行來京以
慰廑念六月病革遺摺

奏上復奉

旨賞加太子太保入祀賢良祠

子諡文毅子

枕

賞給主事俟年及歲時入京引

見並

敕靈柩回籍時沿途地方官照料以示優卹蓋臣至意

鳴呼

上之所以任公一德一心始終無二天下後世三復於蹇蹇匪躬之際益以思

明良遇合之難其將有灑然而流涕者矣公所轄三省河漕兵農吏治水利海塘繁劇甲天下又兼管鹽政案牘如山數載以來心血耗罄曾於十五年入

觀面

奏以鹽務已有起色總督事務殷繁懇請復設鹽政以專責成奉

上諭連日召對陶澍見其精神才具結實周到正當乘
此鹽務日有起色之時實力整頓悉心經理無負委
任方不愧爲國宣力之大臣毋庸復設鹽政 公自
是不敢瀆陳軼掌盡瘁日不暇給氣血日匱積勞
成病每遇夏秋足疾輒發十七年十一月 公六
旬生日

御書綏疆錫祜之額

御書福壽字並壽品十六種以

賜十八年四月左手左足忽中風痺神明未衰而起居
不便請

旨賞假兩月其日行事件交藩司代拆代行程滿復赴
清江防汛力疾視事至冬復請假兩月終未全愈
本年二月遂請

旨開缺調理奉

硃諭卿之體質本非不足緣費心太甚氣血保無消耗
然薺苓可用熱燥之藥必不相宜宜慎之惟望卿不
日全愈來京而晤以副眷注委任之衷情也卿其善
體之 公感激

天恩日思病起入

覲而咯血間作多汗不寐精神益頓至六月初二日遂

不起矣痛哉訃音所至寮吏軍民莫不隕涕兩淮

離商感 公德惠醪金賻奠德配 黃夫人述

公生平之言毅然卻之嗚呼 公之清節孚於家

人見於身後非苟然也 公虬髯山立尊嚴若神

飲酒數斗不亂洪音環辯上下古今往復曲折無

不達之意接見寮屬自辰至午指麾區處不遺鉅

細遇事奮發義形於色而宵懷洞無城府待人表

裏如一初督兩江時值水災

奏請河南藩司林公調江寧辦賑及林公由東河帥

移撫江蘇與 公益志同道合相得無間而河事

則與先後河帥張公

井麟公慶

和衷共濟皆前此

所罕有道光十二年寶應朱尙書

士彥

奏安東改

河之策

詔

公會同河帥張公勘議前此張公亦力主改河及

是公謂不可行虛衷商議二公亦釋然無忤用

人必盡其所長凡所拔舉至方面節鉞者皆有名

於時服官數十年起居如寒素公餘手不釋卷奏

議下筆千言無能代具草者詩宗杜韓尤工長句

書法李北海嘗書余忠宣公墓碑勒石大觀亭於

洪澤湖老子山海州雲臺山按幽窮勝磨崖題名

殆徧愛才好士講論文藝無倦建惜陰書舍於江
寧專以經史古文課士建震川書院於嘉定並求
歸太僕後人爲奉祀生建敦善書院於海州以造
士訪求湘潭陳恪勤公後裔爲置祭田其他如巡
城時則倡建悅生堂以贍京師窮民回籍時則捐
漁稅議禁罟籊以利資江之行旅無時不以濟人
利物爲志孝友純篤自 鄉賢公棄養每念先澤
輒哽咽涕零特建鄉賢專祠復推先志倡修宗祠
捐義學田考試田書院膏火田又建藏書閣以津
逮窮鄉之士乙未冬入

觀請假修墓

上垂詢里居山水

御書印心石屋四大字俾歸磨厓以寵其行尤為未有

曠典弟潛諸生早世撫從子親賢如已子公生於乾

隆四十三年十一月三十日享年六十有二配黃

夫人側室賀張劉盧楊張子八春福曼珠普陀保

葆賢賀孺人出育麟劉孺人出恩壽佑元盧孺人

出均殤枕張孺人出

賜主事孫文熊葆賢嗣子曾孫應曉女七湘潭周詒樸

安化王育耀長沙彭申甫善化賀穀益陽胡林翼

衡山聶有湖善化陳庚澤其壻也 公所著有曲

心石屋詩文集五十六卷奏議七十六卷蜀輶日記四卷陶桓公年譜四卷陶淵明集輯註十卷靖節年譜考異二卷陶氏世譜若干卷又校栞資江耆舊集六十卷 公事業恢闊鉅細萬端遺孤幼穉未克撰次源自弱冠入京師及來江左受 公知數十載曾命編次奏稿并託以身後誌狀言猶在耳後死之責其曷敢辭爰代述行事備

史館採擇通家子內閣中書舍人邵陽魏源謹狀

墓誌銘

皇清太子太保兩江總督陶文毅公墓誌銘

敕授文林郎內閣中書舍人邵陽魏源撰

賜進士出身翰林院編修道州何紹基書丹并篆蓋

道光十有九年夏六月二日太子少保兩江總督

陶公薨於位

天子聞而震悼

敕加太子太保祀賢良祠

予諡文毅公之孤枕方幼奉公遺櫬將歸葬湖南源辱

公知既代狀公行事上之

史館遂敬銘其幽維公系出晉大司馬長沙桓公唐
同光中諱昇者始家安化十三傳至公會祖崇雅
崇雅生孝信孝信生必銓是爲公考鄉賢公三代
皆贈如公官曾祖妣彭祖妣李妣黃皆贈一品太
夫人鄉賢公子二公其長也嘉慶五年舉鄉試七
年成進士改翰林院庶吉士十年散館授編修尋
丁父憂服闋補官十五年充四川鄉試副考官十
九年改江西道監察御史巡視中城二十年授戶
科給事中巡視南漕二十一年轉吏科掌印給事
中二十四年授四川川東兵備道二十五年

今上登極擢山西按察使道光元年兼署布政使九月
移福建至京旋擢安徽布政使三年正月擢巡撫
五年夏移撫江蘇十年秋加太子少保署兩江總
督十月卽真十一年春兼管兩淮鹽政十九年二
月以病乞假開缺調理六月薨於兩江節署公爲
翰林能詩爲御史能言及備兵川東又爲能吏值
今上新政首受

知遇二載歷兩司至巡撫其撫安徽釐三十年庫項以
清吏治興義倉水利以拯三十州縣之災黎其撫
江蘇創行海運以甦蘇松常鎮太倉之漕困濬吳

淞瀏河白茆孟瀆以醜三吳之積潦其督兩江兼
司鹺政汰浮費二百餘萬以劑淮南去五壩十楨
改行票鹽以蘇淮北凡所施設不襲故常起雷造
冰驅庸走智精誠所至竅卻若開始賊終夷康衢
王路羣疑朋喪

天定民誠吁可謂智不惑勇不懼者也澤施未竟

邦楨遽隕匪公之邛斯民之恫公諱澍字子霖號雲
汀生乾隆四十三年十一月三十日年六十有二
配黃夫人側室賀張劉盧楊張子二長葆賢殤以
孫文熊嗣次枕

恩賞主事曾孫應曉女七所著有奏疏七十六卷詩文集五十六卷蜀幘日記陶靖節集註各如千卷枕奉遺櫬歸湖南以某年月日葬安化資江某原卽御書印心石屋摩崖之所也銘曰

沅湘瀆澧楚四望並注洞庭瀆弗章山迴水複鬱乃昌公奮神斧剗大荒力振羣靡勗非常如彼砥石江中央石不裂兮名不僵矢爲臣極爲民綱

天銘所勒公所藏千秋萬歲依

帝旁

神道碑銘

皇清太子太保兩江總督陶文毅公神道碑銘

敕授文林郎內閣中書舍人邵陽魏源撰

賜進士出身翰林院編修道州何紹基書丹并篆額

維道光十九年六月二日太子少保兩江總督陶

公薨於位

天子震悼

詔以公任事勇敢不避嫌怨堪式百辟加太子太保入

祀賢良祠

予諡文毅並

敕建專祠於淮北之板浦場明年又

特允名宦祠之請不由部議嗚呼

朝廷所以勸臣工風中外者博矣哉

國家承明制懲明弊以內政歸六部外政歸十七省

督撫而

天子親攬萬幾一切取裁於

上大吏拱手受成奉行日久以推諉爲明哲而任事謂

迂以因襲爲老成而更張謂躁若斯文襄之閒中

河鄂文端之改土歸流猶皆力戰羣議屢躓屢奮

而後勝之故便文畏事之臣遇大利大弊則動色

相戒卻步徐視而不冒身預

仁廟時屢以因循泄沓

申戒中外而優游成習卒莫之能返也東南大計無如漕
與鹽二百載來官民交困大都由文法委曲繁重
致利不歸上不歸下而盡歸中飽間有講求更革
芟蕪徑易者則中飽蠹蝕之人交起而持之道光
五年夏漕河大梗

詔江南大吏議海運維時上海關僧撓於南通倉胥吏
撓於北屯船丁役撓於中不曰風濤則曰盜賊不
曰霉變則曰繁費

天子移公自皖撫吳毅然以身任之首致百六十萬石
由海抵天津每石僅銀四五錢視河運省費一倍
視前撫臣章煦所奏海運每百石三百金之數亦
省數倍人始知海運利國利民利官爲東南拯敝
第一策明年公遂擬請蘇松太倉三州郡之漕永
歸海運以蘇官民之困先後陳章程六條八條雖
事未竟行而自是不得以風盜霉費之說相讐矣
道光十年冬公督兩江承釐政蠱壞之後如淮南
之窩價淮北之壩積兩淮之岸費皆浮糜數百萬
仰食其間者億計當事洞悉其弊而不敢動公謂

非減價不能敵私非輕本不能減價非裁冗費不能輕本遂奏裁淮南窩價岸費揚費二百五十餘萬又三疏奏駁以截糧私而淮北則創改道不改捆之議歸販不歸商之制每歲暢行倍額溢課數十萬盡償淮北之帶殘且劑淮南之懸引末年並欲推淮北之法於淮南雖值衰病未暇推廣而天下皆知票鹽減價敵私爲正本清源上策劉晏舊法果無今昔之異不復爲綱法所縛持矣然方公再議海運則南漕北倉撓之議裁離費則窩商蠹吏撓之議截糧私則長蘆總漕撓之議改票鹽則

壩夫岸吏撓之羣議沸騰奏牘盈尺使公付肩稍不力
天子之倚任稍不堅必不能善後故敬揭公之力犯勞
怨而事未嘗不舉

恩禮未嘗不卒者於碑以爲封疆大吏勸又以謂東南
民力與

國計莫如漕鹽公所排議創始可垂久大者亦莫如
海運與票鹽後有來者欲蘇東南之因而爲

國家籌百世利非廢其緒而恢之不可也公諱澍字
子霖號雲汀湖南安化人嘉慶七年進士由翰林
院編修改御史擢戶科給事中轉吏科掌印給事

中巡城巡漕出爲川東兵備道道光元年由山西
按察使擢安徽布政使三年巡撫安徽五年移撫
江蘇十年加太子少保總督兩江兼管鹽政歷官
四十年年六十有二生平所至興革綱舉目張若
治皖之荒政之清釐庫帑治吳之三江水利他人
得其一皆足名世而於公則爲緒餘故不悉書系
出晉大司馬長沙桓公會祖崇雅祖孝信皆贈如
公官考必銓祀鄉賢祠曾祖妣彭祖妣李妣黃皆
贈一品太夫人妻黃夫人側室賀張劉盧楊張子
葆賢塲以孫文熊嗣次桃方八歲

恩賞主事曾孫應嶢女七所著有奏疏詩文集蜀輶日記陶靖節集注各如千卷以二十年某月日葬安化某原源自弱冠入京師及來江左先後受公知最深曾以身後樂石之文見託其曷敢讓謹爲銘

曰

萬生芸芸以利相羣如蝨萃身有奮其除必爬與梳萬衆噩呼鄭有國僑唐有文饒始謗終謠我洞其原必攜其偏以對乎天我導其始人竟其委以俟君子萬夫之特兼人之力孰幹

王國助在三江魂返九江孰幹

玉邦如暘如月如霜如雪維臣心是泐如雪如霜如月
如暘維帝心是傍